

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**Aningaasaqarnermut tunngasut**

- Imm. 02** Ilassutitut aningaasaliissutinik 2020-mut ukiunullu tulliinut Maniitsumi. angerlarsimaffimmi paarsisaartunik 2-nik pilersitsinissamut atugassanik.
- Imm. 03** Atuarfinni nerisaqartitsisarneq pillugu tunngaviusumik eqqartuineq.
- Imm. 04** Suliani meeqqat inuusuttullu 18-it ataallugit ukiulinnut akeqanngitsumik timersorsinnaanissaq.
- Imm. 05** Avannaata qimussersuanut peqataanissamut qinnuteqaat.
- Imm. 06** Islandimiit model atulersinneqarnissaa pillugu suleqatigiinneq.

**Suliassat nalinginnaasut**

- Imm. 07** Qeqqata Kommuniani meeqquerivinni ukioq 2019 nalunaarusiornerit aamma ukioq nutaami 2020 pilersaarutit.
- Imm. 08** 2019-imi ilaqtariinnut klasseqartitsisarnerup killiffia.
- Imm. 09** Meeqqat atuarfiini atuanngitsoortarnermut maleruagassat.
- Imm. 10** Sarfanguani Illu tamatigoortumut suliniummut siunnersuut.
- Imm. 11** 14-inik ukioqalereersimasunut angalanissanut tapiisarnissamut inuiaqatigiittut piumasaqaateqarnissaq.
- Imm. 12** Hotel Heilmann Lyberthip Avataanit tikisitsilluni sulisussarsiornermik qinnuteqaataanut tunngatillugu killiffimmik paasissutissiineq

**Paasissutissiissutit**

- Imm. 13** Qeqqata Kommuniata Sisimiut Maniitsullu timersortarfiup ukioq 2020-mut attartornissamut isumaqatigiissut pillugu paasissutissiissut.

**Imm. 14** Avataanit tikisitsilluni sulisussarsiornermik qinnuteqaatinut tunngatillugu, december 2019-imi januar 2020-imilu, siulittaasup aalajangiineranik paasissutissiissut, Majoriaq Maniitsoq.

**Imm. 15** Tamalaat.

Ataatsimiinneq aallartippoq nal.: 08:32

*Peqataasut:*

*Siumut : Evelyn Frederik, Frederik Olsen, Ruth Heilmann.*

*Atassut Siverth K. Heilmann.*

*Inuit Ataqtigiit*

*Nalunaaruteqarlutik peqataannngitsut: Sofie Dorthe R. Olsen*

*Nalunaaruteqaratik peqataannngitsut:*

**Imm. 01. Oqaluuserisassat akuerineri**

**Aalajangiineq:**

Frederik Olsen Imm. 13 anilaassaaq pisortaanini Timersortarfimmi peqqutigalugu

Ataatsimiissutissat akuerineqarput.

## **Aningaasaqarnermut tunngasut**

### **Imm. 02    Ilassutitut aningaasaliissutinik 2020-mut ukiunullu tulliuut Maniitsumi angerlarsimaffimmi paarsisaartunik 2-nik pilersitsinissamut atugassanik**

*Journalnr. 44.01.00*

#### Tunuliaqutaq

Ukioq 2015 Maniitsumi meeqqeriveqarnikut aqqissuussaaneq allanngortiteriffigineqarpoq, paasinarsimmat illoqarfimmi meerartaasut ikilisimasut allaat meeqqerivinni meeqqat inissaat atorneqanngitsut amerlavallaalerlutik. Meeqqerivik Angaju Sunngiffimmi ornittaganngorpoq aamma meeqqerivik Aanikasik Atualertussalerivinngorluni. Pissutsit ullumikkut allanngorput inissiiivissaaleqineq atuuppoq meeqqat inissaqartinneqanngimmata nutaanik inissaqartitsivigineqarnissaat nukinginnarsilluni. Ajornartorsiut anigorneqarnissaanut periarfissaqarpoq, ilutigalugu inissaqartitsinermik qulakkeerinissamut oqilisaataasussamik.

#### Maleruagassatigut tunngavissat

*Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. dec. 2012-imeersoq.*

*Angerlarsimaffimmi paarsisarneq pillugu: Kap. 4, §23 - §24 - §25 aamma §26.*

*Utaqqisut allattorsimaffiat pillugu: Kap. 2.*

*Namminersorlutik Oqartussat nalunaarutaat nr. 65 af 29. december 1994 kommunimi angerlarsimaffimmi paarsisartut pillugit nalunaarut.*

#### Pissutsit atuuttut

Maniitsumi ullumikkut meeqqeriviit pingasut imaapput, akulerissitsiviusut 2-jupput ukuusut Kuunnguaq 80-nik inissaqartitsisoq agguarneqarlutik init meeraaqqeriviit 5 x 12 inuttaqarlutik inilu 1 x 20-nik anginernik meerartaartoq aamma Paarsi 3-nik initaqartoq: init 2 x 12 meeraaqqeriviusut anginernullu ini 1 x 20-nik meerartaartoq. Saniatigullu atualertussalerivik Aanikasik init 2 x 13 meerartaartoq aamma init 2 x 14 meerartaarluni. Meeqqanut inissat tamarmik katillugit 178. Ullumikkut meeqqanut inissat tamakkeqqanerisa qaavatigut 6-nik qaangeqqallutik tassa katillugit iseqqasut 184-iupput. Naak perorsaasut atorfilinnik amigaateqarneq atuukkaluartoq, perorsaasut pisariaqartinnerat misinnartaqaaq, meeqqat immikkut nakkutigisassat, isumassugassat iliuuseqarnissamillu pilersarusiorfigisassaasut eqqarsaatigalugit. Taamaattumik illoqarfik eqqaaniittullu, Maniitsumi najugaq qimannagu perorsaasunik ilinniartitsineq, Maniitsumi ingerlanneqarnissaat pingaartuuvoq, Maniitsumi eqqaanilu perorsaanikkut ineriartortitsineq kivinneqartariaqarmat.

Maniitsumi Majoriaq SPS immikkoortortaqarfianut atasoq atuuppoq, tassunga Socialhjælper-inngoriarlutik ilinniartut atuariatartup, atuaqatigiinnik nutaanik pilersitsisoqaraangat ukioq allortarlugu pisartoq, atuarfigisarlugu august-december aamma februar-juni. Uteqattaartumik ajornartorsiut pilersarpoq, soorlu ullumikkut, inissanik ajornartorsiuteqartoq, tassami utaqqisunik pingaarnersuineri malitassaq Kommunalbestyrelsemik immikkoortukkuutaanik aaliangersimasunik innersuussuteqarmat, allanit tikittut aamma ilinniartut meeraat inissamik qulakkeerinniffigineqassasut taamaasillutik salliutinneqartussaallutik. Socialhjælperinngorniat atuariatortussat ulluni makkunani meeqqatik, Maniitsumi meeqqerivimmuut isernissaannut allatsillattaalereerpaat, taamaalilluni utaqqisut allattorsimaffiat takinerulerpoq ilutigalugu,

***Imaqarniliaq Ilinniartitaanermut ataatsimiititaliap Februar-ip. 3-ani 2020-imi ileqquusumik ataatsimiinnera 01/2020***

anaanat meerartaarnikut erninermut atatillugu sulinngiffeqarnertik naammassisoq suliffimminnut suliertorsinnaanngikkallarput utaqqisutut allatsissimasut amerlanerat pissutaalluni. Taakkulu utaqqineq qatsuppaat akulikitsunik allaffiliartalerlutik meerartik inissarsiaassasoralugu.

Meeqqat utaqqisunut allatsinneqartarput angajoqqaaminnit, ilaatigut meeqqerivik aalianegrsimasumik allallu meeqqeriviit arlaat toqqartarpat, ullumikkut allatsissimasut katillugit 37-iupput meeqqat, arlallit suli erninerup kingorna sulinngiffeqarallarput. Ataani immersugaq takussutissiivoq meeqqat iserfissaattut piffissaq piareerfissaat, taamaalillutik utaqqisut takuneqarsinnaallutik. Januar takuneqarsinnaavoq utaqqisut amerlanerusut, ilinniartut SPS atuariarlutik Majoriamukartussat meerartatik allatsinnikuugamikkik.

Ataani kipparissumi takutinneqarput, meeqqat utaqqisut piffissaq iseriaannaaffiatut nalunaarsorneqartoq.

Utaqqisut ullumikkut:

<b>Venteliste 2020</b>	<b>Januar</b>	<b>Februar</b>	<b>Marts</b>	<b>April</b>	<b>Maj</b>	<b>Juni</b>	<b>Juli</b>
Vuggestue	12	7	4	3	2	4	2
Børnehave	1	0	0	0	0	0	0
Ledige pladser	0	0	0	0	0	0	0
I alt	13	7	4	3	2	4	2

Atuilluartuunissakkut kingunerisinnaasai

Qeqqata Kommuniiani politikikkut isumaqatigiisummi allaqqavoq suleqatigiit pingaartikkaat, peqqinnartumik peqqissuullutillu meeqqat tamarmik meeqqerivinni inissaqartinneqassasut. Atuilluartuuneruvoq meeqqat toqqissisimanartumik sinaakkuteqartinneqartut, toqqissisimanartumik atugaqartinneqartut meeqqat angajoqqaavilu toqqissisimasuusarput. Taamatullu atuilluartuuneruvoq anaanat ernereernerup kingorna sulinngiffeqarneq naammassigaangat, pisarnertut suliffimminnut sulileersinnaasarnerat. Ilinniartut meeraat siunissami inissaqarnissaat qulakkeerinnissunneqassapput.

Aningaasaqarnikkut allaffissornikkullu kingunerisinnaasai

Angerlarsimaffimmi paarsisartut 2 atorfinitsinneqarpata, utaqqisunut allattorsimaffik ilungersunartumik inissisimanermut oqilisaataassaaq, aamma ilinniariarlutik atuariartortut meeraat paarineqarsinnaalissapput, pingaarnertullu anaanat ernereerlutik sulinngiffeqarunnaareersut meeraasa meeqqerivinni inissinneqarsinnaalissallutik, taamaalillutik sulilersinnaalissagamik.

Angerlarsimaffimmi paarsisartunik atorfinitsineq aaqqiisutaassaaq. Kommunimi angerlarsimaffimmi paarsisartuq kommunimit pilersinneqartuuvuq, angerlarsimaffimmi paarsineq ingerlanneqartussanngorlugu kommunimit atorfinitsinneqarluni. Angerlarsimaffimmi paarsisartuq sulisassaaq ulluinnarni nal. 7.00- 17.00 ullut tamaasa, perorsaanikkut ineriartortitsiviusumik paarsinermut neqeroorutaassalluni, angerlarsimaffimmi paarsisartup nammineq angerlarsimaffiani ingerlasussaaq. Angerlarsimaffimmi paarsisartuq meeqqanik suli atualersimannngitsunik 4-nik inissaqartitsissaaq. Akuerisaanissamut piumasaqaataavoq angerlarsimaffimmi paarsisartuq timikkut tarnikkullu peqqissuussasoq taamatullu piginnaasaqassaaq perorsaanikkut ineriartortitsisinnaanermik sammisaqartitsisassasoq. Angerlarsimaffimmi paarsisartuq illoqataalu inersimasut peqqissutsimut uppersarsaat tunniuttussaavaat, Meeqqanik pinerliisimannginermut uppersarsaat taamatullu pinerluuteqarsimannginermut uppersarsaat, tamarmik ajunngitsunik takutitsippata aaliangiisuussammata atorfinitsisooqassanersoq.

Angerlarsimaffimmi paarsisartuq paarisinnaasani qaangerlugit paarsisinnaassaaq alla angerlarsimaffimmi paarsisartuq sulinngiffeqarpat napparsimappaluunniit piffissami killiligaasumi, taamaalillutik imminnut tapertariillutik ingerlatsisinnaassapput, ulluni ataasiakkaani napparsimanerit atugaassappata.

Periarfissaassarli paarlatseqarnissaq, sulinngiffeqarnermi aamma sivisunerumi napparsimasooqassappat. Angerlarsimaffimmi paarsisartuq aaliangersimasumik sapaatip akunneranut nal.ak. 47 suliffigisussaavai.

**Imaqarniliaq Ilinniartitaanermut ataatsimiititaliap Februar-ip. 3-ani 2020-imi ileqquusumik ataatsimiinnera 01/2020**

Angerlarsimaffimmi paarsisartuq meeqqat 4-mat tigumiassami saniatigut tigusissaguni, angerlarsimaffimmi paarsisartuq akilerneqassaaq ullormut meeraq ataaseq tapeqaatigisassallugu.

Kisitsisit tiguneqartut Sisimiuni Januar 2019-imi angerlarsimaffimmi paarsisartunik pilersitsinissamut, kisitsisit atorneqartut najoqqutarineqarput, uani siunnersuutaavoq angerlarsimaffimmi paarsisartut 2-rluk meeqqanulu 8-nut aningaasatigut missingersuusiorfigineqarnerat.

Daglejen Maniitsoq konto 50-05-10

Kontonummer	Kontonavn	For år 2020 9 måneder	Bevillingsbehov Årlig overslag
5005100110	Månedsløn	675.000	900.000
5005100111	Timeløn	56.250	75.000
5005100504	Kursusudgifter	9.000	12.000
5005100507	Boligtjenestetelefon	7.125	9.500
5005100599	Div. personaleomk.	3.000	4.000
5005101206	Kørsel, transport	3.750	5.000
5005101599	Diverse varekøb	56.250	75.000
5005101699	Diverse forplejning	11.250	15.000
	<b>I alt</b>	<b>821.625</b>	<b>1.093.000</b>

Allaffeqarfiup naliliinera

Allaffeqarfiupmit nalilerneqarpoq, atorfiit 2-rluk angerlarsimaffimmi paarsisartut pisariaqartinneqartut pilersinneqassasut, utikattumik ajornartorsiutaasartuq siunissami anigorneqaqqullugu.

Allaffeqarfiup innersuussutaa

Allaffeqarfiupmit innersuussutigineqarput Ilinniartitaanermut Ataatsimiititaliap, Aningaasaqarnermut ataatsimiititaliap aamma Kommunalbestyrelse p aliangissagaa:

**Akuerineqassasoq** Maniitsumi angerlarsimaffimmi paarsisartut 2-rluk pilersinneqassasut, 1. April 2020 aallartittussatut.

**Akuerineqassasoq** ilassutitut aningaasaliissutit 821.625 kr. qulaani allassimasut naapertorlugit aningaasatigut missingersuut 2020 atuutussanngorlugu aamma ukiumut 1.093.000 ukiunut tulliuttunut.

**Aaliangiineq:**

Innersuussutigineqartut akuersissutigineqarput

Ilanngussaq

1. xx

### **Imm. 03 Atuarfinni nerisaqartitsisarneq pillugu tunngaviusumik eqqartuineq**

*Journal nr. 51.00*

#### Tunuliaqutaq

Nunatsinni Namminersorlutik Oqartussat 2012-imi atuarfeqarfinni nerisaqartitsisarneq pillugu suliniuteqartoqarnissaanik kissaateqarput. Namminersorlutik Oqartussat Kommuninut ataatsimut tapiissutinik aningaasaliissuteqaratik, kommunit Namminersorlutik Oqartussanut tapiissutissanik qinnuteqarsinnaanerannik Namminersorlutik Oqartussat periarfissiipput. Taamanili taamatut aaqqiineq atuuppoq, atuarfinnilu atuartunut nerisaqartitsineq/taquaqartitsineq Qeqqata Kommunianit atuutilersinneqarpoq, tassungalu tapiissutinik Namminersorlutik Oqartussanut qinnuteqartoqarluni.

Qeqqata Kommuniani meeqqat atuarfiini nerisaqartitsineq assigiinngitsumik ingerlanneqartarpoq. Atuarfiit ilaat igaffimmiumik atorfinititsinikuupput, ilaallu avataanit suliariumannittussarsiortarlutik. Atuarfiit ilaasa igaffimmiullit atuartitsiviusut taqussanik suliaqarnermi atortarpaat, piumasaqaatitaqarlunili Kalaallit Nunaanni Uumasunut nakorsaqaarfik aamma inuussutissalerinermut Oqartussaqaarfimmit akuerineqarsimanissaq. Nerisaqartitsineruttaaq pitsaassusia isorineqartarpoq, ilaatigut nerisaqarnermi pissanganarsaarinnissamut aningaasat amigaataanerat patsisaalluni. Taamatuttaaq nerisaqartitsinermik aaqqiisuussinikkut kommunip meeqqat ullup qeqqasiornissaannut ilaqutariit akisussaaffiannik arsaarinninnertut isigineqarpoq. Siunissami Qeqqata Kommuniani atuarfiit nerisaqartitsisarnerat pillugu tunngaviusumik eqqartorneqarnissaa pisariaqarpoq. Nerisaqartitsinermut Namminersorlutik Oqartussat tapiissuteqartarnini unitsippaa, 2020-miili januaarip aallaqqaataanit kommuni nerisaqartitsinermut tapiissutinik tigusaqartarunnaarluni.

#### Maleruagassatigut tunngavigisaq

Qeqqata Kommunianut karseqarnermut naatsorsuuserinermullu malittarisassat. Suliffeqarfiit inuussutissaleriffiusut pillugit Namminersornerullutik Oqartussat nalunaarutaat nr. 21, 27. juli 1998-imeersoq

#### Pissutsit atuuttut

Nalunnguarfiup Atuarfia kiisalu Minngortuunnguup Atuarfia iggavimmi sulisoqarput. Iggavimmi sulisut nammineq nakkutilliinermik, ullup qeqqasiutissanik, pisiniarnermik kiisalu iggaviup eqqiluuitsuunissaanik ingerlataqartuupput. Taakkua saniatigut atuarfiit tamarmik ullut tamaasa naatitanik Pisiffimmiit pajunneqartarput. Sarfanguup Atuarfiani aamma Itillip Atuarfiani atuartut ullup qeqqasiortarput, tassani atuartut namminneq iffianik taniisarput, sulisumillu akunnermusialimmik ullup qeqqasiornissamut piareersaasussamik (pisiniarneq piareersaanerlu) saniatigut atuarfimmik eqqiaasumik sulisoqarpoq. Qinnuata Atuarfia iggavimmi sulisoqanngillat, taamatullu Kalaallit Nunaanni Uumasunut nakorsaqaarfiup aamma inuussutissalerinermut Oqartussaqaarfiup nammineq nakkutilliinissamut pilersaarutip piumasaqaataanik naammassinnissinnaanani, taamaattorli atuartunut naatitanik kissinillu atuarfik pajunneqartarluni. Atuarfimmik eqqiaaneq suliariumannittussarsiuunneqarnikuuvoq, ullullu affaanut sulisussamik pissarsinissaq ajornartorsiuttaalluni, soorlu igaffimmi suliassat ilaannut.

Atuarfik Kilaaseeqqami nerisaqartitsinermut tunngatillugu Ilinniartitaanermut, Kulturimut Sunngiffimmullu ataatsimiititaliap 2010-mi decembarip 7-ani ileqquusumik ataatsimiinnerani

11/2010 nerisaqarnek suliariumannittussarsiuunneqassasoq aalajaniunneqarpoq. Isumaqatigiissut siulleq 2011-mi januaarip aallaqqaataaniit 2014-mi decembarip 31-anut atuuppoq. december 2014. Isumaqatigiissut ukiut ingerlanerini nutarsarneqarnikuuvoq. Maniitsup illoqarfiani meeqqerivinnut atuarfinnullu meeqqanut nerisassanik pajuttarnermut isumaqatigiissut kingulleq 2015-imi januaarip 15-ianiit 2017-mi oktobarip 15-iata tungaanut atuuppoq. Meeqqerivinnut kisimi meeqqanut nerisassanik pajuttarnermut isumaqatigiissut nutaaq 2017-imi oktobarip 15-ianiit 2021-imit oktobarip 15-iata tungaanut atuuppoq. Isumaqatigiissutip imarivaa nukarlernut akullernullu taqussanik/sandwich-inik/kissalaartunik pajuttarnek. Aaqqiissummut angajulliit ilaatinneqanngillat, taamaalillunilu atuarfimmi nerisaqartitsinermi illinnasaarneqarsinnaanerullutik.

Atammiup Atuarfia nerisassiorturnik, nerisaqartitsinermik isumaginnittussamik aammalu atuarfimmi peqqissutsimik ineriartortitseqataasussamik atorfinittisinikuuvoq. Napasumi Atuarfimmi eqqiaasoq akunneq ataaseq atorlugu ullaakkut atuartunut nerisassiorrtarpoq, tassani meeqqat akuutinneqarnek ajorput. Kangaamiuni Atuarfimmi nerisassiorturnut ullormut akunnerit marluk tunniunneqartarput. Ilaatigut meeqqat akuutinneqartarput, sapaatillu akunneranut marloriarlutik kissartutortinneqartarput.

#### Atuilluartuunissakkut kingunerisinaasai

Ukiorpassuannortuni misileraanerit kingorna meeqqat atuarfiini nerisaqartitsinerup isummerfiginissaa atuilluartuuneruvoq.

#### Aningaasaqarnikkut allaffissornikkullu kingunerisinaasai

Nunaqarfinni atuarfiit namminneq atuiffimmini nerisaqartitsinermut aningaasaateqarput. Sisimiuni nerisaqartitsinermut aningaasaliissutit ataatsimoorussamik atuiffimmut ikineqarnikuupput, nerisaqartitsinissamullu aningaasaliissutit ataatsimoorussamik atuiffimmi inissinneqarlutik, ataatsimoorussamik atuinissamut 1.283.000,- koruuniullutik. Sisimiuni Namminersorlutik Oqartussanit tapiissutitaqarani, aningaasat ullormut atuarfiusumut atuartumut ataatsimut 8-9 koruuniuvoq. Maniitsumi aningaasat Atuarfik Kilaaseqqap atuiffianiippu, 2020-mullu missingersuutini 500.000,- koruuniullutik. Isumaqatigiissulli ukiumut 1.040.000,- koruuninik annertussuseqarpoq, aningaasat ullormut atuarfiusumut nukarlerni akullernilu atuartumut ataatsimut 18,- koruunit missaaniilluni.

#### Allaffeqarfiup naliliinera

Nerisaqartitsinermut annertuumik aningaasartuuteqarfiuvoq, aaqqiissutillu akisungaatsiarnerata nerisassat meeqqanit orniginartinneqaratik igiinnarneqartarnerannik aamma kinguneqarpoq. Soorunalimi tamanna pisortat aningaasaataannik eqqaaneruvoq, nerisassanillu taamatut iliorneq atuilluartuunerunngilaq. Ilaqutaareerportaaq ullaakkut meeqqaminnut naammattumik ullaakkorsiorfitsineq ajortunik, tamannalu ullaap tungaani atuartup atuarnerneranut ajornakusoortitsisinaasarpoq. Taamaalilluni aaqqissuussami "meeqqat kaattut"-nut ullaakkut issingiassanik, yoghurtimik, immummik, naatitanik allanillu piuminartunik atuarfimmi aallerfigiinnariaasumik peqarnissaa tunngavissaqarpoq. Aaqqissuussaq tamanuunngikkaluartoq immaqa ullup qeqqasiutissanut assingusuusinnaavoq.

Allaffeqarfik naliliivoq, Sisimiuni nerisaqartitsinermut aningaasaliissutit marlunnut avinneqassasut, aningaasallu Nalunnguarfiup Atuarfiata kiisalu Minngortuunnguup Atuarfiata namminerisamik atuiffiinut inissinneqarlutik.

#### **Innersuussut**

Ilinniartitaanermut ataatsimiititaliamut innersuussutigineqarpoq siunissami atuarfimmi nerisaqarnermik aqqissuussaq eqqartorneqassasoq, matumani:

1. maannakkut aningaasaliissutit atorlugit nerisaqarnermik aqqissuussaq attatiinnarneqassanersoq
2. nerisaqartitsineq annikillisinneqassanersoq, ass. ulluni atuarfiusuni aalajangersimasunut
3. nerisaqartitsineq nukarlernut akullernullu annertunerusumik atuutinneqassasoq
4. nerisaqartitsineq 'pissaaleqisunut' taamaallaat atuulluni ullaakkorsiornissamik neqerooruteqarnikkut
5. Sisimiuni ataatsimoorussamik atuiffimmi 571030200-0302010000-010580-122080400-mi nerisaqartitsinermit aningaasaliissutit marlunnut avinneqassasut, Nalunnguarfiup Atuarfiata kiisalu Minngortuunnguup Atuarfiata namminerisamik atuiffiinut inissinneqarlutik.

Namminersorlutik Oqartussanit nerisaqartitsinermit tapiissutit uninnikuummata, ataatsimiititaliap nerisaqartitsinerup qanoq isikkoqarnissaanik toqqaanera aallaavigalugu, ataatsimiititaliap tullissaanik ataatsimiinnissaanut allaffeqarfik ilassutitut aningaasaliinissamut siunnersuummik suliaqassaaq.

### **Aalajanginneq**

Innersuussut itigartitsissutigineqarpoq.

Suliaq kinguartinneqarpoq attuumaassuteqartut tusarniaavigineqarnissaat suliamut tunngatillugu atuumassuteqartut skolerådgiver elevråd tusarniaavigineqarnissaat ataatsimiitsitaliamit kissaatigimmagu.

### **Ilanngussat**

1. excel missingersuutit.



**Imm. 04 Suliani meeqqat inuusuttullu 18-it ataallugit ukiulinnut akeqanngitsumik timersorsinnaanissaq.**

*Journalnr.*

Tunuliaqutaq

Meeqqat inuusuttullu timersorsinnaanerannut periarfissat annertusarniarlugit, taamaalillutik timersornikkut soqutigisaqaqatigiilersinnissaat sunngiffimminnilu timersorerulernssaat anguniarlugu, meeqqat inuusuttullu 18-it ataallugit ukiullit akeqanngitsumik tassa aningaasartuutunik aporfeqanngitsumik timersorsinnaasariaqarput. HBSC-ip misissuinerata takutippaa inuusuttorpasuit siusissukkat pujortartalertartut, imigassartortalertartut aangajaarniutinillu atuilersartut, suliniullu tamakkuninnga atuinissamut pinaveersaartitsiniutaasinnaavoq. Islandimi misilittakkat takutippaat, meeqqat inuusuttullu timersortartut imminnut attaveqaqatigiittarnerat pitsaanerusartoq, siusissukkullu timersortalernermit peqqinnerusumik inooriaaseqalertartut. Nunat allattaq soorlu Australia, Norge aamma Sverige imigassartortarneq timersornermut sanilliussimavaat, taamaalillutik timersornermi kattuffiit pinaveersaartitsinermit "sumiffittut" atorneqarlutik.

Aammattaq Kalaallit Nunaanni Timersoqatigiit Kattuffiat annertuumik sakkortuumik suliniuteqarpoq, tassalu 2030-mi nunarsuarmi nuna timimik aalatitsinerpaaffittut inissisimarusulluni. 18-it ukiullit ataallugit ukiulinnut akeqanngitsumik timersortitsisinnalernermit, Qeqqata Kommunia Kalaallit Nunaanni kommunini siuttunngorsinnaavoq.

Meeqqanut inuusuttunullu 18-it ataallugit ukiulinnut ilaasortaanermut akiliisarnermut timersoqatigiiffiit tamarmik 2020-miit sinaakkuteqalissapput/malittarisassaqaalissapput. Sinaakkutaq/maleruagassaq ima nipeqassaaq, meeqqat inuusuttullu 18-it ataallugit ukiullit timersorniarunik, ukiumoortumik qaammammoortumillu akiliisassanngitsut - tassa akeqassanngilaq. Sinaakkutaq/maleruagassaq unioqqutinneqarpat, kattuffiup inuusuttut 18-it ataallugit ukiullit timersornissamut akileeqquppagit, taava ukiumoortumik "pinnatassaat" peerneqartassaaq.

Maleruagassatigut tunngavigisaaq

Qeqqata Kommuniata timersornermut politikkaa.

Pissutsit atuuttut

Ilaasortaanermut ukiumut qaammammulluunniit qanoq akiliisoqartarnissaanut peqatigiiffiit namminneq politikkeqarput. Peqatigiiffiit ilaasa akiliisarneq nakkutigeqqissaarpaat, ilaasa nakkutigerpiannikkaat. Meeqqat arlalinnik timersoriartarfeqarpata angajoqqaanut arlalinnik meerartalinnut akisusinnaavoq, misissuinerillu takutippaat, meeqqat aalariaasaannut peqqissusaannullu assigiinngitsunik timersuuteqarneq iluaqutaasartoq. Angajoqqaat peqatigiiffinnut arlalinnut akissaqanngikkaangata, meeqqat timersorsinnaanerminnut akimmisinneqartarput.

Januaarip aallartilaarnerani peqatigiiffiit ataatsimeeqatigineranni, timersoqatigiiffiit isumaqarput suliniut pitsassuusooq, piviusunngornissaalu kissaatigaat.

***Imaqarniliaq Ilinniartitaanermut ataatsimiititaliap Februar-ip. 3-ani 2020-imi ileqquusumik ataatsimiinnera  
01/2020***

Atuilluartuunissakkut kingunerisinnaasai

Tamanut angajoqqaanut, peqatigiiffinnut meeqqallu timersorsinnaanerannut aningaasaqarnikkut aporfeqanngitsumik timersorsinnaalerneq iluaqutaassaaq. Meeqqat amerlanerusut timersorsinnaalissammata.

Qeqqata Kommunianilu inuusuttut akornanni imigassanik, aanngajaarniutinik tupanillu pinaveersaatitsinermi aallarniutaassalluni, HBSC-mi misissuinerata takutippaa, kisitsisit annertoorujussuusut (ilanngussaq 1 qupp. 14, 15 aamma 16 takuuk).

Aningaasaqarnikkut allaffissornikkullu kingunerisinaasai

Peqatigiiffinnut x-inik ilaasortalinnut ukiumut agguaatassanngorlugu, Qeqqata Kommunianut tamarmiusumut 18-it inorlugit ukiulinnt akeqanngitsumik timersornermut missingersuut kr. 125.000 koruuniuusaaq. Assersuutigalugu peqatigiiffik 30-inik 18-it ataallugu ukiulinnik ilaasortaqqarp, kommunimiit kr. 5.000 tunineqassaaq, inuiaqatigiinni sunniuteqarnermi suliniuteqarnermut atatillugu. Peqatigiiffiit ukiut tamaasa timersornermut siunnersortimut sunngiffimmilu pisortamut ukiumut naatsortsuutit nassiunneranni pisussaaffigissavaat ilaasortat allattorsimaffiata ilanngunnissaat ateq, naggat inunngorfillu allaqqassallutik. Kingornalu timersornermi siunnersortip sunngiffimmiluunniit pisortap peqatigiiffiinnut akiliinissaq suliarissavaat.

Suliniut aningaasalerneqarsinnaavoq atuiffik ”Inuunerinneq - inuuneq tamaat - sunngiffimmi timersorneq” atorlugu: 545020000 – 060102000 – 010500 – 122082100 - 2-12-15- 500212

Eqitsit allornikkaartut

Ilaasortat amerlassusii	Ukiumut iluanaarutit	Trin
<b>0-24</b>	2.000,00	G
<b>25-49</b>	5.000,00	F
<b>50-74</b>	6.000,00	E
<b>75-99</b>	7.000,00	D
<b>100-149</b>	8.000,00	C
<b>150-199</b>	9.000,00	B
<b>200 &lt;</b>	10.000,00	A

Allaffeqarfiup naliliinera

Tamanna allaffissornerulernermik malitseqassanngilaq, peqatigiiffiit ukiumoortumik timersornermi siunnersuisumut sunngiffimmiluunniit pisortamut ukiumut naatsorsuutit tunniunnerini ilaasortat allattorsimaffiat ilannguttassammassuk.

**Innersuussut:**

Allaffeqarfiup innersuussutigaa, Ilinniartitaanermut ataatsimiititaliap siunnersuutit akuersissutigissagai.

**Aalajangiineq:**

Innersuussut akuersissutigineqarpoq.

**Ilanngussat:**

1. HBSC-mi misissuineq

## **Imm 05 Avannaata qimussersuanut peqataanissamut qinnuteqaat**

*Journalnr. 63.10*

### **Tunuliaqutaq**

Immikkut tapiissuteqarnissamik qinnuteqaat Avannaata qimussersuortoqarnissaanut angalanissap aningaasaliiffiginissaanut.

Qimusseq Sisimiut aningaasanik angalanissamut atugassanik qinnuteqarpoq 266.000,- annertutigisunik. Ukiullu kingulliit angalanissamut tapiissutit ‘Timersornikkut anguniakkanut Tapiissutit’-inninngaanniik aningaasalerneqartarsimavoq. Ukioq 2019 tapiissutit 51.170,- pissarsiarisimallugit. Ukiormannali qimussersuaq Uummannami ingerlanneqartussat qulimiguulik atorlugu qimmit aammalu unammisussat inersimasut tallimat meeqqallu marluk assartorneqassallutik.

### **Maleruagassatigut tunngavissat**

Qeqqata Kommunia timersornermut politikkaa

### **Pissutsit atuuttut**

Ukiuk kingulliit angalanissamut tapiissutit ‘Timersornikkut anguniakkanut tapiissutit’-inninngaanniik aningaasalerneqartarsimavoq. Tassuunalu aningaasalerneqassappata ukiumut timersornermut tapiissutissat pingajorarterutaasa missaat atorneqassapput, allat timersuutit taperneqarnissaat kalluarneqartussanngussalluni.

Ukiormannalu unammersuarfiusussat Sisimiuniit peqataaffigineqartussat naatsoruutigisassagut ukuupput:

- Bordtennis, Qaqortoq
- Eqartoq, Paamiut
- Qajaq, Ilulissat
- Arctic Sport, Ilulissat
- SSP-langrend, Aasiaat
- SSP-Alpin, Sisimiut
- Volleyball, Sisimiut
- Snowbord, Nuuk

Silami arsarneq:

- Angutit inersimasut: Ilulissat
- Arnat inersimasut: Sisimiut
- U18 angutit: Nuuk
- U15 nukappissat: Sisimiut

Illup iluani arsarneq:

- Angutit inersimasut: Sisimiut
- Arnat inersimasut: Nuuk
- U18 angutit: Ilulissat
- U15 nukappissat: Maniitsoq
- Utoqqasaat +35: Narsaq
- Utoqqasaat +45: Nuuk

Assammik arsarneq

- Inersimasut angutit: Ilulissat
- Ynglinge arnat/angutit: Sisimiut
- Junior nukappissat/nivissat: Nuuk

**Imaqarniliaq Ilinniartitaanermut ataatsimiititaliap Februar-ip. 3-ani 2020-imi ileqquusumik ataatsimiinnera 01/2020**

- U12 nukappiaqqat/Niviarsiaqqat: Maniitsoq/Nuuk

Taakkulu unammiarnissamut, aammalu illoqarfitsinni unamminernik aaqqissuussinernut aningaasartuutit ilanngullugit, naatsersuutigissavarput aningaasartuutissat 1,2 mio. missaaniissasut.

**Atuilluartuunerup kingunerisinnaasai**

Qimusseq Sisimiut soqutigintumik ingerlajuarnissaanut Qeqqata Kommuniatalu Avannaata Qimussersuani aallartitaqarnissaata qulakkeerpeqarnera

**Aningaasaqarnikkut allaffissornikkullu kingunerisinnaasai**

Aningaasanik ‘Timersornikkut anguniakkanut tapiissutit’-nut nuussisariaqarneq pisariaqarpoq sippuilluni atuissanngikkaanni. Ukiormanna unammersuafiusussani ingerlanneqartussani peqataasussanut tapiissutissaq 1,197 mio. annertussuseqartut unammisaqattaarnernut tamakkerlutik atorpeqartussaassapput.

Aningaasallu uanngaanniik aaneqarsinnaapput:

Konto	Taaguutaa	Akuersissutit	Illassut	Aningaasaliissut nutaaq
(5901103520) 571020801-0302020000-010580-113180500	Lokalavis	215.000,-	- 215.000,-	0,-
(5903302120) 571020901-0302020000-010582-122180100	Timersortarfik Kangerlussuaq, innaallagiaq	269.000,-	-51.000,-	218.000,-
(5903103599) 571020801-0302020000-010580-113170200	Timersornikkut anguniakkanut tapiissutit	1.197.000,-	266.000,-	1.463.000,-
	<b>Pisariaqartitat katillugit</b>	1.681.000,-	0,-	1.681.000,-

**Allaffeqarfiup naliliinera**

Allaffeqarfik naliliivoq Qeqqata kommunia qimusserneramik unammersuarnermut aallartitaqassappat aningaasanik nuussinissaq pingaaruteqartoq.

**Innersuussut:**

Allaffeqarfik innersuussivoq Ilinniartitaanermik ataatsimiititaliap aningaasanik nuussinissaq akuerissagaa.

**Aalajangiineq:**

Innersuussut akuersissutigineqarpoq.

**Ilanngussat:**

1. Qimusseq Sisimiut, Avannaata qimussersuanut qinnuteqaataa

## **Immikkoortoq 06 Islandimiit model atulersinneqarnissaa pillugu suleqatigiinneq**

*Journal nr. 00.10.01*

### Tunuliaqutaq

2018-imi oktobarimi kommunalbestyrelsi pisortaqtigiillu Islandimut isumassarsiorlutik angalapput.

Kommunalbestyrelsip 2018-imi oktobarip 25-ani ataatsimiinnermini, kommunip Islandimi isumassarsiat pissarsiarineqarnikuusut qanoq sulissutigeqqinneqarsinnaanersut eqqartorpa. Tamatuma kingorna ataatsimiititaliat tullinguuttumi allaqqasut suliamik suliaqarsimapput.

- Inuussutissarsiutinut Takornariaqarnermullu ataatsimiititaliaq ulloq 17. decembari 2018.
- Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliaq 1. februaari 2019
- Ilaqutariinnermut isumaginninnermullu ataatsimiititaliaq 21. aggusti 2019.
- Atugarissaarnermut ataatsimiititaliaq 11. decembari 2019.

Oktobarip aallartinneraniilli akimortumik suleqatigiit Sisimiuni Maniitsumilu pisortap sulisuinik tallimanik, Sisimiuni timersornermut siunnersortimik Maniitsumilu sunngiffimmi pisortamik ilaasortalik, ataatsimiititaliat assigiinngitsut suliassaat pillugit tamanik isiginnilernissamik suliaqarluni aallartinnikuuvoq, misissorlugulu Islandimiit misilittakkat qanoq pitsaanerpaamik atulersinneqarsinnaanersut. Siunissami pitsaaliuinnermut siunnersortit suliamut uunga ilaatinneqartassapput. Suleqatigiit salliullugu suleqatigiinnissamut periarfissat misissornikuuai Planet Youth i Island(ISCRA) kiisalu Center for Folkesundhed aamma Paarisa akornanni, islandimi model pingaarnertut isumaani ilaagami pitsaanerpaamik pinaveersaartitsiniutaasinnaasut data-nit tunngavillit, kiisalu pinaveersaartitsineq pillugu ilisimatusarnermit misilittakkat ilisimasallu.

### Maleruagassatigut tunngavigisag

Qeqqata Kommuniani Peqqinnissamut pinaveersaartitsinissamullu politikki 2018

### Pissutsit atuuttut

Islandimi ilisimasamik akuutitsinermi akimortumik suleqatigiit suleqatigiissutinik marluusunik misissuisimapput, Islandimi pinaveersaartitsilluni modellimik akuutitsinissag pillugu, kingornalu suleqatigiissutit marluusut saqqummiunneqarlutik, taamaalilluni taakku arlaat salliunneqarsinnaalissalluni.

### **a) Island-imi Planet Youth-ip suleqatiginera**

Planet Youth suliniutip aterivaa ICSRA (Icelandic Center for Social Research and Analysis) 1990-ikkunni aallartissimasaa, maannakkullu pinaveersaartitsinermut islandip modelia atorlugu nunanik allanik suleqateqartuusoq. Islandimi pinaveersaartitsinermut model ima isumaqarpoq, meeqqat inuusuttullu cigaretsinik, imigassamik ikiaroorartumillu atuinerat allornerit sisamat malillugit pinaveersaartinneqarsinnaasoq:

- 1 Ajornartorsiutit suussusersillugit misissuilluni apeqqutinik immersuilluni data aqqutigalugit
2. Apeqqutit immersukkat inernerisa takussutigisaat workshoppinut sisamaasunut avillugit oqallisigalugit
- 3 Data eqqartuinerillu tunngavigalugit najukkami qaffasissutsit assigiinngitsut atorlugit iliuuseqartoqassaaq

4 Najukkami suliniutit peqataasuniit nalilersorneqassapput kingornalu misissoqqissaarneqassallutik aammalu apeqqutit immersugassap nutaap datat nassatarisaanut nalimmassarneqassallutik. (ilanngussaq 1-imi planet youth suleqatiginissaa sumut tunngaqqissaarnersoq allaaserineqarpoq)

Planet Youth ukiuni 20-ni misilittagaqarpoq pinaveersaartitsiniutit qitiutillugit apeqqutit immersuititsinikkut misissuinermit. Kingornalu modelli nunani allani arlalinni atornerqartarluni. Ilisimasarlu taanna annertooq tunngavigalugu, Planet Youth suleqatiginissaa sukkasuumik suliniutiginEQassaaq. Ajoqutaali tassaavoq, Planet Youth-imi ilaasortaaneq workshoppinullu aningaasartuutissaat akisunerat. Kisiannili Planet Youth-imi Siunnersortit Kalaallit Nunaanni inuiaqatigiit atugaannik ilisimasaqanngillat.

**b) Kalaallit Nunaanni Inuit Peqqissusaannut Qitiusoqarfimmik Paarisamillu suleqateqarneq** Peqqissutsimut Naalakkersuisoqarfik, Kalaallit Nunaanni Center for Folkesundhed aamma Paarisa 2019-imi decembarimi meeqqat atuartut akornanni misissuisimanerup inernerit pisortaqatigiinnut kommunalbestyrelsimullu saqqummiuppaat, (HBSC-misissuinerit aamma taaneqarnikoq) tassungalu atatillugu ujartorlugu kommunillu qaninnerusumik suleqatigiinnissaa kommunip pinaveersaartitsiniutaanut paasissutissanik atuisinnaanermut tunngatillugu. Tassunga atatillugu akimortumik suleqatigiit HBSC-misissuinermit datat atornissai pillugit aammalu pinaveersaartitsineq pillugu workshops-inik ingerlatsineq pillugu Kalaallit Nunaanni Inuit Peqqissusaannut Qitiusoqarfik aamma Paarisa suleqatigilerpaat (ilanngussaq 2-mi Qeqqata Kommuniata, Inuit Peqqissusaannut Qitiusoqarfiup aamma Paarisap akornanni suleqatigiinnissamut isumaqatigiissutaagallartoq allaaserineqarpoq).

Suleqatigiissutaasussat ukuunerupput:

1. Sisimiuni Maniitsumilu aallarnisaatit isumasioqatigiisitsineq: Atulersitsisinaanerup annertussusaa nukittuffinnillu sanngiuffinnillu sumiissusiliineq (naleqartitanik tunngaviliineq).
2. HBSC-apeqqutit tunngavigalugit datanik katersineq aggustimi 2020, kisianni Qeqqata Kommuniatiit apeqqutit ilaqqillugit, kiisalu apersuinerit pitsaassutsimut tunngasut aqutugalugit.
3. Data tunuliaqutugalugit workshop 1 ingerlanneqassaaq, tassani pinaveersaartitsiniutit itisilerneqassallutik suleqataasussat ilaatigut pinaveersaartitsinermit ilinniagaqarnermi sunngiffimmilu immikkoortortaneersut qanimut suleqatigineritigut.
4. suliniutinik malitseqartitsineq suliniutinillu iluarsineq
5. Data katersoqqinneqassapput HBSC-misissuinerit pioreersut atorlugit. Taamaaliornikkut suliniutit sunniuteqarsimanerit uuttortarneqarsinnaassaaq kingorna nalilersorneqarlunilu aqqiivigineqarsinnaallutik.

Taassuma suleqatigiinnerup iluaqutissartaraa, suleqatigiit Kalaallit Nunaanni inuiaqatigiit atugaannik pinaveersaartitsinermillu ilisimasaqarluarmata. Iluaqutissartaavortaaq HBSC-mi apeqqutit immersuititsinikkut misissuut kalaallisut nutserneqareermat. Aningaasaqarnikkuttaaq iluaqutissartaqarpoq, suleqatigiinnermi akunnerit atugassat suleqataasut missingerssuutaanneereermata, taassuma saniatigut suleqatigiit aningaasaateqarfinnut qinnuteqarsinnaapput. Suleqatigiinni peqataanermigut kommuni pinaveersaartitsineq pillugu ilisimasanik sakkusanillu ineriartortitseqataasinnaavoq.

Suleqatigiinnerup ajoqutaa tassaavoq, HBSC-mi misissuinermit inernerit takutimassuk Sisimiuni 2018-mi misissuinermit akisartut procentigut annikitsuararsuummata. Taamaammat 2020-mi misissuisoqaqqissalluni.

Suleqataasut siusinnerusukkut misissuinerit tunuliaqutaralugit sukumiisumik suliniuteqartarsimanngimmata, pisariaqarpoq najoqqutassiap ingerlanneqarnerani

***Imaqarniliaq Ilinniartitaanermut ataatsimiititaliap Februar-ip. 3-ani 2020-imi ileqquusumik ataatsimiinnera 01/2020***

ineriartortuarnissaa. Apeqqutinut immersuiffissat ineriartortinneqartariaqarput, Den Islandske Model atorlugu suliaqarnissamut suliaaqqissaannginneri peqqutaallutik Suleqatigiinnerup ilusilersornissaa eqqassaatigalugu allaffissornikkut suliaasarujussuuvog.

Atuilluartaunissakkut kingunerisinnaasai

Suleqatigiinnissamut modelit marluullutik Den Islandske Model-ip atulersinnissaanut ajunngitsumik ilanngusseqataassapput paasissutissanik, ilisimasani aammalu inuusuttut akornanni imigassamik, tupamik aanngjaarniutinillu atuinermik annikillisaanissamut pinaveersaartitsiniutinik atulersitsinissamut ikiuutaasussanik ilanngusseqataammata. Suliniut najukkami ileqqunngortinneqassaaq inuiaqatigiinnullu ilaqutariinnullu akuliutsinneqarluni Qeqqata Kommuniiani meeqqanut inuusuttunullu atajuartussamik ajunngitsumik atuilluartaunissamillu allannguutaanissaa siunertaralugu.

Aningaasaqarnikkut allaffissornikkullu kingunerisinaasai

Aningaasaqarneq uunga a) Island-imi Planet Youth 2020-mi suleqatiginera

<b>Atuiffik</b>	<b>Suunera</b>	<b>Aningaas.</b>
545010000-0601020000-113180500-010500-2-10-18-500223 (Atuiffik nutaanngitsoq 3701013532)	Atuilluartaunissamut aningaasaatit – Ilaqutariinnut inuuneq pitsaaneq	762.545

2020-mi aningaasaliissutit saniatigut pisariaqartinneqarpoq ukiut missiliuteqarfiusut malitsigisai 2025 tikillugu, tassani suliniutit naammassisussaalluni, aningaasanik ukiut tamaasa immikkoortitsisoqartarnissaa.

Suliniummumut aningaasartuutaasussat katillugit naatsorsorneqarput katillugu ima annertutigissasut: 2.122.478 kr ukiunut tallimat sinnerlugit, ima paasillugu agguaqatigiisinneranni ukiumut ataatsimut aningaasartuutaasassallutik 424.496 koruunit.

Aningaasaqarneq uunga b) 2020-mi Kalaallit Nunaanni Inuit Peqqissusaannut Qitiusoqarfillu aamma Paarisalu suleqatigiinneq

<b>Atuiffik</b>	<b>Suunera</b>	<b>Aningaas.</b>
545010000-0601020000-113180500-010500-2-10-18-500223 (Atuiffik nutaanngitsoq 3701013532)	Atuilluartaunissamut aningaasaatit – Ilaqutariinnut inuuneq pitsaaneq	363.751

2020-mut aningaasaliissutit saniatigut pisariaqartinneqarpoq, ukiut missiliuteqarfiusut malitsigisai tamaasa 2022 tikillugu aningaasanik immikkoortitsivineqartarnissaa, taanna tikillugu suliniut inissikkallarneqarnikuulluni sivitsorneqarnissaanulli periarfissalerlugu.

Suliniummumut aningaasartuutissat katillugit naatsorsorneqarput katillugu ima annertutigissasut: 560.826 ukiut pingasut sinnerlugit, ima paasillugu agguaqatigiisillugu ukiumut ataatsimut aningaasartuutaasalluni 186.942 koruunit.

Suleqatigiinnissamut isumaqatigiissutit marluutillugit sulii pinaveersaartitsilluni suliniutinut aningaasartuutissanik naatsorsuuteqarfigineqanngillat, sulii taakku ilisimasaqarfigineqalinnnginneri peqqutaalluni.

Allaffeqarfiup naliliinera:

Modelit saqqummiunneqartut marluullutik den islandske model malillugu aallartitsinissaq eqqarsaatigalugu pitsaasuupput. Taamaakkaluortoq akimortumik suleqatigiit innersuussutigissavaat,



kommunip iluarsisutissaq b) HBSC-misissuinermit tunngatillugu Inuit Peqqissusaannut Qitiusoqarfimmik aamma Paarisamik suleqateqarneq suliaralugu ingerlateqqissagaa. Center for Folkesundhed aamma Paarisamik suleqateqarnikkut kommuni suliniutissamik suliaqarsinnaassaaq, taanna den islandske model-imut Planet Youth-ip ilusilersugaanut assingussalluni, paasissutissanik katersuinerulik, workshops-eqarluni, pinaveersaartitsilluni suliniutinik aallartitsinernik malitseqartitsinernillu imaqarluni. Assigiinngissutigaa, aaqqiissut akikinnerujussuummat Kalaallit Nunaanni pinaveersaartitsinermik peqqinnermillu takutitsinertalimmik misissuinermit inerisaassalluni.

Tamatuma saniatigut aaqqiissut taanna Planet youth-imut atassuteqalernissamiit akikinnerujussuussaaq, tassami suliniummut aningaasalersuinissaq suliaqartussanut arlalinnut agguarneqartussaassagami, aammalu ataatsimoorussamik aningaasaateqarfinnut qinnuteqarsinnaanernik imaqassalluni Planet youth-imut ilaasortaanissaraluaq pinnagu, taamaattoqassappat kommunip aningaasalersuinissaq kisermaatissallugu.

### **Innersuussut**

Allaffeqarfiup Ilinniartitaanermut ataatsimiititaliamut, Aningaasaqarnermut ataatsimiititaliamut Kommunalbestyrelsimullu akuereqqullugu innersuussutigivaa,

- a) ukiuni tallimani tulliuuttuni Planet youth-imut ilaasortanngussasugut
- b) 2022 tungaanuugallartumik HBSC-misissuineq pillugu Center for Folkesundhed aammalu Paarisamik suleqatigiinnissamik aallartitsissasugut
- 2020-mut aningaasaliissutit atuilluartuunissamut aningaasaateqarfimmiit tiguneqassasut Kiisalu 2021-mi ukiunilu missiliuteqarfiusuni aningaasartuutit missingersuutit pillugit isumasioqatigiinnermi tullermi qaqinneqassasut.

### **Aalajanginneq:**

Innersuussut B toqqarneqarpoq.

### **Ilanngussat**

1. Planet Youth-ip suleqatigineranik misissuineq
2. Inuit peqqissusaannut qitiusoqarfimmik aamma Paarisamik suleqatigiinnissamik isumaqatigiisummik saqqummiineq.

## **Suliassat nalinginnaasut**

### **Imm. 07 Qeqqata Kommuniani meeqqerivinni ukioq 2019 nalunaarusiornerit aamma ukioq nutaami 2020 pilersaarutit.**

*Journalnr. 44.00*

#### **Tunuliaqutaq**

Ukioq qaangiuttumi pisimasunik nalunaarusiorneq aamma ukioq nutaami 2020 perorsaanikkut pilersaarutit, meeqqerivimmi pisortaasup angajoqqaat atuisut ataatsimoorfiani peqatigalugit sularisarlugit.

Taamatullu qaammatit tamaasa nassiuttarlugit meeqqat takkuttarnerisa nalunaarsorneqarneri.

#### **Maleruagassatigut tunngavissat**

*Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut iantsisissaattut siunnersuut nr. 16, 3. dec. 2012-imeersoq.*

*§ 17. Imm. 2. Meeqqeriviit kommunimit ingerlanneqartut aamma meeqqeriviit kommunalbestyrelsip ingerlatsinissaq pillugu isumaqatigiissuteqarfigisimasaasa meeqqat takkunnerinut nalunaarsuiffik ukiumoortumik perorsaanikkut pilersaarummik tapartaqartillugu kommunalbestyrelsimut nassiuttassavaat, piffissaliussap kommunalbestyrelsimit aalajangerneqartup iluani.*

#### **Pissutsit atuuttut**

Meeqqerivimmi pisortaasup angajoqqaat atuisut ataatsimoorfianni suleqatigalugit, ukioq qaangiuttumi, perorsaanermik sulisimaneq pillugu pisimasunik nalunaarusiorsimavoq, ilaatigut assitaqartunik. Ukioq nutaami atuuttussaq ukiumut pilersaarut, atuisuusut angajoqqaat suleqatigalugit sularisimavaat, ilaatigut atsioqatigalugit.

Meeqqat ataasiakkaarlugit, ineriartornerini killiffigisaat pillugit, angajoqqaat peqatigalugit misissorneqartarput, ukiumut marloriartumik meeqqap inissisimaffia naapissutigineqartarmat.

Ilinniartitaanermut Aqutsisoqarfik (ILA)-mit inerisarneqarnikuusooq MIIM (Meeqqap Ineriartorneranut Inissisimaffianik Misissuut) immersuivik atorneqartarluni.

Sammisaqartitsinissanut pilersaarutit imaqarput meeqqat ineriartortinneqarnissaannut, timikkut taamatullu tarnikkut pingaartitaapput, qaammammut immikkut sammisaqartitsisarnerit pilersaarusiortigineqarsimanerini. Kinaassutsip taamatullu avatangiisit ilisimaarineqarnissaanik ilanngunneqarsimasut, meeraq qitiutillugu anguniagaallutik.

NP meeqqat pisinnaatitaaffiinut tunngasut sakkutut pingaartut atorneqartarput, angajoqqaanik suleqatigiissutigineqartarlutik, pingaartumik meeqqat immikkut pisariaqartitsisut eqqarsaatigalugit, Ernumanassutsimut uuttuut maanna, qaammatit tamaasa immersorneqartarmat, siusissukkut nassaarineqartalerput, kingorna "Suleqatigiissitat ataatsimiittarnerat" aallartinneqartaarluni, suliakimorlugit angajoqqaallu suleqatigalugit, meeqqap iliuuseqarfiginisnaanut pilersaarusiunneqartarluni.

Meeqqat takkuttut 2019-imi katillugit procent: 72,4 %

Ukioq siuliani 2018-imi 70 % procent inissisimasnimalluni.

Sunnigiffimmi ornittakkani meeqqat takkuttarneri: 64,8 %

#### **Atuilluartuunissakkut kingunerisinnaasai**

Atuilluartuuneruvoq, angajoqqaat atuisutut ukiumut pilersaarutinut, perorsaanikkullu pilersaarusoqataasarnerat, ulluinnarni meeqqanik sullissinermi piginneqataanermik qaffassaasarmat.

Aningaasaqarnikkut allaffissornikkullu kingunerisinnaasai.  
Aningaasaqarnikkut aamma allaffissornikkut kinguneqassanngilaq.

Allaffeqarfiup naliliinera

Allaffeqarfiup nalilerpaa, Qeqqata Kommuniani meeqqueriviit ukiumut pilersaarutinik pitsaasunik peqartut, kommunimi anguniarneqartut eqqarsaatigalugit, Qeqqata Model tassanilu anguniarneqartut 0-6 ukiulinnut tunngasut eqqarsaatigalugit. Meeqquerivitsialak meeqqat ineriartornissaannik ukkassisooq, inatsillu malillugu aallunneqartoq ingerlanneqarluni.

Allaffeqarfiup innersuussutaa

Innersuussutigineqarpoq Ilinniartitaanermut Ataatsimiititaliap, ukioq 2019 nalunaarusiat ukiumullu 2020-mut pilersaarutit, Takkuttartut nalunaarsorneqarsimanagerat ilanngullugu, tusaatissatut tiguneqassasut.

**Aalajangiussa:**

Tusaatissatut tiguneqarpoq

**Ilanngussat:**

1. Nalunaarusiat takkussimasunut 2019
2. Maniitsoq
3. Sisimiut
4. Nunaqarfiit

**Imm. 08 2019-imi ilaqutariinnut klasseqartitsisarnerup killiffia**

*Journal nr. 55.08.03.02*

Tunuliaqutaq:

Illoqarfinni atuarfiit pingasut, Atuarfik Kilaaseeraq Maniitsoq, Sisimiuni Nalunnguarfiup Atuarfia aamma Minngortuunnguup Atuarfia, 2016-ip ukiaanili ilaqutariinnut klassinik ingerlatsipput.

Suliffeqarfinni namminersortuni sulisut ilaqutariinnut klassinut peqataasarnissaannut unammillernartut pillugit suliaq, 2018-imi maajip 28-ani Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliamit suliarineqarpoq, tassanilu ima alajangiisoqarluni:

- kommunimi sulisut tamarmik ilaqutariinnut klassinut peqataanissaanik periarfissaqartinneqassasut, pingaarnertut suliffeqarfiit suliffissanik nikerartitsinikkut imaluunniit akissarsiaqaatigalugu sulinnigffeqartitsinikkut.

- ilaqutariinnut klassit annertusarneqarnissaat pillugu suliffeqarfiit namminersortut paasissutissiivigineqassasut kiisalu kommunip periusaata assipajuunik iliuseqarnissaannik kaammattorneqassasut.

2018-imi juunip 18-iani 20-anilu allaffeqarfik, illoqarfinni atuarfinni pingasuusuni aqutsisut ilaqutariinnullu klassini ilinniartitsisut peqatigalugit ataatsimoorussamik ataatsimeeqatigiipput. Ataatsimiinnerni suliffeqarfinni namminersortuni sulisut peqataasinnaanerit pillugu suliamik atuarfiit paasissutissiivigineqarput.

Maleruagassatigut tunngavigisaq:

Atuarfik pillugu Inatsisartut inatsisaat nr. 15, 3. December 2012-imeersoq

§ 2. Atuarfiup angerlarsimaffik suleqatigalugu pisussaaffigaa:

1) ilikkagassanik pisinnaasassanillu pisariaqartunik tamanik atuortoq inooqataanikkut tunuliaqutai apeqqutaatinnagit pissarsitissallugu,

2) atuartup piginnaasai ineriartortissallugit, peqqissutsikkut, inooqataanikkut misigissutsitigullu inerikkiartorneq ilaatillugu,

§ 33, § 34 naapertorlugu, meeqqap atuartitaasusaatitaanerminik eqqortitsinissaa angajoqqaat akisussaaffigaat, atuartitaasusaatitaanerannullu akornusersuissanatik.

Pissutsit atuuttut

Qeqqata Kommuniani ukioq atuarfiusoq 2016/2017-imi ilaqutariinnut klassit atuutilersinneqarmatali, atuartut angajoqqaallu 72-it peqataatinneqarlutik ilaqutariinnut klassit ingerlanneqarnikuupput.

**Atuarfik Kilaaseeraq:**

Ajoraluartumik ilinniartitsisussaaleqineq patsisaalluni, ukioq atuarfiusoq 2018/2019-imi ilaqutariinnut klassi uninngatinneqarpoq.

**Minngortuunnguup atuarfia**

Ataas.-sisa.: 8.00-11.30. Sapaatip akunnerini arfinilinni sapaatip akunneranut marloriarluni, kissaateqarneq naapertorlugu sivitsuisinnaanermut periarfissaqarluni

2 hold: 1. -5. klassemi atuartut aamma 6. -10. klassemi atuartut

Ilaqutariinnut klassinut ilinniartitsisut marluupput

**Nalunnguarfiup atuarfia**

Marlunngorneq pingasunngornerlu akunnerit sisamat aqqaneq-marloriarluni (sapaatit akunneri arfinillit), kissaateqarneq naapertorlugu sivitsuisinnaanermut periarfissaqarluni. Piffissami tasani aallartisarnermi ataatsimiinnerit, piffissap qiteqqunnerani ataatsimiinnerit, inaarutaasumik aammalu malitseqartitsilluni ataatsimiisitsinerit ingerlanneqarput, atuartut ilinniartitsisui, angajoqqaat atuartullu peqataatinneqarlutik.

Ilaqutariinnut klassinut ilinniartitsisut marluupput

**Ukioq atuarfiusoq 2018/2019-imi ilaqutariinnut klassit pillugit killiffik**

Aasaanerani atuangiffeqqannginnermi, illoqarfinni atuarfiit pingasuusut ukioq atuarfiusoq 2018/2019-imi ilaqutariinnut klassit pillugit killiffit paasissutissiissutiginnissaannut allaffeqarfik qinnuiginnippoq, tamatuma saniatigut atuarfiit pitsaassutsimut nalunaarumminni ilaqutariinnut klassit paasissutissiissutigisussaavaat.

	Ilaqutariinnut klassimut innersuunneqartut amerlassusaat	Aallartinneqarpoq	Ilaqutariinnut klassit naammassineqartut	Atuartut angajoqqaallu itigartitsisut imaluunniit uniinnartut
Nalunnguarfiup Atuarfia	Ilaqutariit 15	Atuartut aqqaneq-marluk/angajoqqaat 18-it	Atuartut arfineq-pingasut/angajoqqaat aqqaneq-marluk	Atuartut arfineq-pingasut
Minngortuunngup Atuarfia	Ilaqutariit 19	Atuartut tallimat/angajoqqaat qulingiluat	Atuartut tallimat/angajoqqaat qulingiluat	Atuartut aqqaneq-marluk
Atuarfik Kilaaseeraq:	Ilaqutariit sisamat	Atuartut marluk/angajoqqaat pingasut	0* ilinniartitsisussaaleqineq patsisaalluni, ilaqutariinnut klassini unitsinneqartariaqarsima voq lærermangel	Atuartut sisamat
katillugit	Ilaqutariit 38-t	Atuartut 19-it/angajoqqaat 30-t	Atuartut 13-it/atuartut 21-t	Atuartut 24-t

Ilaqutariinni innersuunneqartunit 38-usunit, ilaqutariit 19-it kisimik peqataapput, taakkunangalu ilaqutariit 13-it ilaqutariinnut klassimik ingerlatsinermut naammassinnillutik. Taamaattumik atuartut angajoqqaallu innersuunneqartunit, ikinnerusut ilaqutariinnut klassimik aallartitsisarput imaluunniit naammassinnittarput.

Atuarfiit naapertorlugit ilaqutariit ilaqutariinnut klassinut innersuunneqarsinnaasut arlaliugaluarpud, ilinniartitsisulli ilaasa ataatsimiittarnerit amerlagalugit, ilaqutariinnik ilaqutariinnut klassinut innersuussinngiinnartarput.

Ilaqutariit ilaqutariinnut klassimut innersuunneqaraangata, klasselæreri angajoqqaanik siullermeertumik ataatsimeeqateqartarpoq. Tassanili periuseqarnermi arlaat iluatsinneq ajorpoq, ilaqutaasummi innersuunneqaraluarlutik aallartinneq ajorput.

Ilaqutariinnut klassimi klasselærerimit eqqaaneqarpoq, suliffeqarfiit angajoqqaajusunik peqataatitsinissamut nalinginnaasumik ajornartorsiutitaqanngitsoq, angajoqqaalliuku peqataannginnissaq namminneq toqqartaraat.

Angajoqqaat aallartinneq ajornerannut imaluunniit uniinnartarnerannut tunngavilersuutigalugu atuarfinit eqqaaneqartut tassaapput:

Angajoqqaat suliffimminnut atatillugu piffissaq tamakkerlugu peqataanissamut piffissaqannginneq, angajoqqaat suliffeqarfinni namminersortuni sulisut akissarsiatigut annaasaqarusunnginnerat.

Angajoqqaat kommunip suliffeqarfiutaani sulisut, ullup affaannaanut akissarsiaqarnikkut aningaasaqarnikkut ajornartorsiuteqalertarnerat.

Angajoqqaat suliffeqarfinni namminersortuni soorlu KNI, Handicap centeret kiisalu Namminersorlutik Oqartussat ataani sulisut akissarsiaminnik annaasaqartarneq patsisaalluni peqataanissamik ajornartorsiuteqartut, namminneq akilinnngikkunikkit, sapaatip akunnerata naanerani imaluunniit unnukkut sulisariaqartaramik il.il.

Angajoqqaarpoq aamma allanik ajornartorsiuteqartunik, taakkulu iluarsineqartinnagit aallartissinnaaneq ajorput. Pisut ilaanni atuatoq ilaqutariinnut klassimut aallartikkusunnginnera patsisaalluni, ilaqutariit aallartitsinngitsut. Aallartinngitsoortarnermut patsisaasut ilagaat illoqarfimmut allamut nuunneq.

Minngortuunnguup atuarfianit Nalunnguarfiup atuarfianiillu oqaatigineqarpoq, ilaqutariinnut klassimut peqataasartut annertuumik pissarsiffigisaraat. Taamaattorli ilaqutariit inooqataanikkut annertuumik artorsaatillit ingerlatsinermik naammassinninnissamut ajornartorsiuteqartartut.

Atuarfinit eqqaaneqarpoq, angajoqqaat peqataasannginnerinut patsisaasartuq tassaasoq, peqataanissamut sulisitsisut sulinngiffeqartitsisinnaasartut, taamattorli akissarsianik annaasaqarusunneq ajorlutik.

Peqataanissamut angajoqqaat itigartitsigaangamik, angajoqqaanut kinguneqarneq ajorpoq.

2019-imi Ilaqutariinnut immikkoortortami tigussaasumik naliliisoqarnerata kingorna, ilaqutariit marluk ilaqutariinnut klassimut peqataanissamut tapiiffigineqarput. Ilaqutariit allat 2020-mi tapiiffigineqarnissaannut aningaasaliisoqarnikuunngilaq.

#### Atuilluartuunissakkut kingunerisinnaasai

Atuatoq ingerlalluanngippat imaluunniit atuarfimi ajornartorsiutaasumik pissusilersuuteqarpat, ilaqutaasut tamaasa akuutinneqarnissaat atuilluartuuneruvoq. Angajoqqaat isumalluutitut isigineqarneratigut, siunissami unammillernarsinnaasunut aaqqiissuteqarnissamut angajoqqaat sakkussaannik tunineqartarput. Taamaalillunilu ilaqutariinut klassi siunissami ajornartorsiutaasinnaasunut pinaveersaatitut atorineqarsinnaavoq.

#### Aningaasaqarnikkut allaffissornikkullu kingunerisinaasai

Suliffeqarfinni namminersortuni sulisut annaasaqaateqaratik peqataasinnaanerinut aningaasaliisoqassappat, taava missingersuutitigut aningaasaliisoqartariaqassaaq.

Allaffeqarfiup naliliinera

Allaffeqarfimmit nalilerneqarpoq, ilaqutariit amerlanerusut ilaqutariinnut klassimik aallartitsisarnissaat qulakkeerneqartariaqartoq, tamannalu atuarfimmi aqutsisut, ilaqutariinnut klassimi ilinniartitsisut, angajoqqaat, Atugarissaarnermut immikkoortortaq kiisalu angajoqqaat suliffiisa akornanni annertunerusumik suleqatigiinnikkut pissalluni. Piffissami matumani angajoqqaat suliffiinut kina attaveqartarnissaanut aalajangersimasumik periuseqanngilaq. Suliffeqarfiit sulisumi peqataasarnissaannik tapersersuinerusariaqarmata, suleqatigiinnissap annertusarnissaa sulissutigisariaqarpoq, taamatullu isumassuinermik ulloqartitsinikkut imaluunniit suliffissanut tunngatillugu nikerartitsisinnaanermik eqqarsaasersorsinnaanerunissaq, matumani ilaqutariinnut klassimik angajoqqaat naammassinnissinnaaneranut suliffeqarfiit sulisullu tunniussaqaqataasinnaanerit eqqarsaatigineqarpoq. Ilaqutariinnut klassilli aallartinnginnerini angajoqqaanut toqqaannartumik atassuteqartut, angajoqqaat peqataanissamut akisussaaffeqarnerinik taakkartuinissaat aamma pingaaruteqarpoq. Angajoqqaat meeqqami pitsaasumik atuarnissaanut qulakkeerinissamut akisussaaffeqarput, taamaattumillu peqataasussaataasooqassaaq. Ilaqutariinnut klassit pisut ilaanni ualikkut ingerlanneqarsinnaanissaat aamma eqqarsaatigineqarsinnaavoq, tassa angajoqqaat suliffiinut atatillugu pitsaanerutinneqarpat. Angajoqqaat ilaasa ilaqutariinnut klassimut peqataasanninneranut akissarsianik annaasaqartarnek tunngavilersuutigineqartarmat, tigussaasumik nalilersuinikkut angajoqqaat ataasiakkaat Ilaqutariinnermut immikkoortortatigut akissarsianik annaasaqaatinut qinnuteqarsinnaanissamik periarfissiisoqarsinnaanissaa eqqarsaatigineqartariaqarpoq, taamatullu siunertamut aningaasaliisoqarluni. Atugarissaarnermut immikkoortortamit ilaqutariit navianartorsortut pillugit atuarfinnik pitsaanerusumik suleqateqarnissamik ujartuivoq, taamaalillunilu tapersersorneqarnissamut suut neqeroorutaasinnaanersut pillugit takussutissaqarniassammat, aammali suliniummut ataqatigiinnerusumik ingerlasoqalissalluni, taamaalillutillu ilaqutariit ilaqutariinnut klassimi peqataasinnaanngitsut allatigut neqeroorfigineqarsinnaassallutik, assersuutigalugu siunnersuinikkut. Tamatuma saniatigut angajoqqaat annertunerusumik tapersersorneqarnissamik siunnersorneqarnissamillu pisariaqartitsisunit ilaqutariinnermut klassimik naammassinnissimasunut atatillugu, ilaqutariinnut klassimi klasselærerit aamma Atugarissaarnermut immikkoortortap akornanni suleqatigiinnermik pilersitsisoqarsinnaavoq.

**Innersuussut**

Allaffeqarfimmiit Ilinniartitaanermut ataatsimiititaliamut akuereqqullugu innersuussutigineqarpoq, Ilaqutariinnut klassit pillugit killiffik tusaatissatut tigueqassasoq angajoqqaat amerlanerusut ilaqutariinnut klassimik peqataasarnissaasa naammassinnittarnissaasalu qulakkeerneqarnissaa pillugu, atuarfimmi aqutsisut ilaqutariinnut klassini klasselærerit peqatigalugit periutsinik nutarsaasoqassasoq Atugarissaarnermut immikkoortortami tigussaasumik nalilersuinikkut, ilaqutariinnut ataasiakkaanut akissarsianik annaasaqaatinut tapiissuteqartarnissamut aningaasaliissuteqarnissamik periarfissanik, allaffeqarfik misissuissasoq

**Aalajanginneq:**

**Innersuussutigineqartoq akuersissutigineqarpoq.**

**Ilanngussat:**

1. 2016-2019-imi Qeqqata Kommuniani ilaqutariinnut klassit allattorsimaffiat

## **Imm. 09 Meeqqat atuarfiini atuangitsoortarnermut maleruagassat**

*Journal nr. XX.XX.XX*

### Tunuliaqutaq

Ilinniartitaanermut-, Kulturimut- Sunngiffimmullu ataatsimiititaliap 2018-imi marsip 26-ni ataatsimiinnermini aalajangiivoq, "atuarfimmut ataqqinninneq ataqeqatigiinnerlu" nutaatut suliniuteqarfiussasoq. Tamatuma kingorna qaammatit pingasukkaarlugit nalunaarusianut tunngatillugu Kommunalbestyrelsip 2019-imi novembarip 28-ani, Ilinniartitaanermut Ataatsimiititaliaq atuangitsoortarnerup 5 procentimik qaffanneranut nalunaarusioqquneqarpoq, ilutigisaanillu suliamut tunngatillugu qanoq iliortoqarniarnerani paasissutissiisoqaqqullugu.

Ataatsimiititaliap "atuarfimmut ataqqinninneq ataqeqatigiinnerlu" nutaatut ukkatarisassanngornisaanut aalajangiinera tunngavigalugu, kingorna atuarfimmut nakkutilliartornerani kiisalu atuarfinni pisortat ataatsimiinnerini qulequttamut tassunga equmaffiginnilernikuvoq. Nakkutilliinerup nalaani atuarffiiit nalinginnaasumik atuangitsoortarnermut maleruagassaqanngitsut maluginiarneqarpoq, "atuarfimmut ataqqinninneq ataqeqatigiinneq"-rup ingerlanneqarnissaanut tunngavilersuutissaqaratik. Atuanngitsoortarnermut malittarisassanik nutarsaasoqassasoq allaffeqarfimmit piumasarineqarpoq. Atuarfimmi pisortat ataatsimiinnerani, tassunga politikkikkut isummertoqassanersoq pisortanit apequtigineqarpoq.

### Maleruagassatigut tunngavigisaq

Atuarfik pillugu Inatsisartut inatsisaat nr. 15, 3. December 2012-imeersoq  
Atuartitsinerup ingerlanneqarnissaata naammassineqarnissaanut periusissat atuarnerullu nalaani atuarfiup atuartunik nakkutilliinera pillugit Namminersornerullutik Oqartussat nalunaarutaat nr. 11, 14. maj 2003-meersoq

### Pissutsit atuuttut

Ukiup nikinnerani 2018/19 atuarfiusumi allaffeqarfiup atuarfinni nakkutilliinera nalaani illoqarfiit atuarfiini tamarmiusuni atuangitsoortarnermut maleruagassaqanngitsoq malugineqarpoq, tamassuma kinguneraa atuortoq atuariatunngippat ulloq taanna atuarfiit angajoqqaanut atuartumullu ilisimatitsisarnissaannut tunngavisaqanngitsoq. Aallaaviatigut atuarnerup aallartinnginnerani napparsimanermik patsiseqartumik atuanginnermut angajoqqaat atuartorlu ilisimatitsinisamut akisussaaffeqarput. Taamaattoqartinnaguli, tassa atuartup atuariatunnginnera pillugu atuarfik angajoqqaanut atuartumullu nalunaaruteqarpat, taava atuangitsoortarnermut maleruagassaq atuussimassanngilaq. Atuartitsinerup naammassineqarnissaanut periusissat atuarnerullu nalaani atuarfiup atuartunik nakkutilliinera pillugu nalunaarut malillugu, atuarneq minutsit qulit aallartinnessaa sioqqullugu atuarfiit nakkutilliinissamut pisussaapput.

Nakkutilliinermut tunngatillugu isumaqatigiissutigineqarpoq, kingusinnerpaamik ukup atuarfiusup 2019/2020 aallartinnerani atuangitsoortarnermut maleruagassanik nutaanik atuutilesitsisoqassasoq, atuarnerup aallartinnerani ulloq taanna angajoqqaat/atuartoq nalunaaruteqanngippata, atuarfik ulloq taanna angajoqqaanut ilisimatitsissutigissamassuk meerartik atuariatunngitsoq, tamannalu angajoqqaanit nalunaarutigineqanngitsoq.



Tamatut maleruagassaliorneq atuarfinnut arlalinnut annertuumik ajornakusoortitsivoq, tassani atuanngitsoortarnermut maleruagassanik sukaterinissap isumaqatigiissutiginiarnera atuarfiup pisortaanit, atuarfiup siulersuisuinit suleqatigiissitaniillu isumaqatigiissutigiuannarneqarani.

#### Atuilluartuunissakkut kingunerisinnaasai

Atuarfiup naleqartitaanut maleruagassaanullu piumasaqaatit naatsorsuutigisallu kinguneqarneri, atuartup inuiaqatigiinni aammalu inuuneq naallugu naapitassanut atuilluartuunerussaaq. Tamanna aamma atuanngitsoortarnermut maleruagassanut atuuppoq.

Takkuffissanut isumaqatigiissutaareersunut takkutinnnginnermi, imminut soqutigisaqatigiinneq imminullu attaveqaqatigiinneq atuilluartuunerussaaq.

#### Aningaasaqarnikkut allaffissornikkullu kingunerisinaasai

Atuanngitsoortarnermut maleruagassanik sukaterinikkut ilaatigut annikitsuaannarmik aningaasartuuteqarlunilu allaffissornikut kingunerisassaqaassaaq. Angajoqqaanut nalunaaruteqariaatsit assigiinngitsusinnaapput, soorlu sms-ikkut, mailikkut oqarasuaatikkulluunniit, soorlu aamma suliaasaq atuarfiup allatsianit, ilinniartitsisunit atuarfiulluunniit pisortaanit isumagineqarsinnaasoq. Maleruagassat nutaat atuutileqqaarnerisa nalaani allaffissornikkut unammillernartoqalaarnissaa ilimanarsinnaavoq, tamannali siunissami ungasinnerusumi annikillingaatsiartussaavoq.

#### Allaffeqarfiup naliliinera

Allaffeqarfiup nalilerpaa, atuanngitsoortoqassatillugu ullaaq taanna angajoqqaat atuartullu nalunaaruteqartarnerannut atuarfimmu ataqqinninneq ataqqqatigiinnerlu aalajangiisusooq, tassa nalunaaruteqartoqartinnagu atuarfik angajoqqaanut atuartumullu paasititsissaaq. Taamatut maleruagassat aamma suliffeqarfinni inuunermilu suliaasaqarfinni allani atuupput. Taamaammat atuarfinit atuanngitsoortoqarnerani maleruagassat tamassumunnga naapertuutitinniarneqanngippata tulluartuussanngilaq.

#### **Innersuussut**

Allaffeqarfimmiit Ilinniartitaanermut ataatsimiititaliamut akuerisassanngorlugu innersuussutigineqarpoq,

Atuanngitsoornermut patsisaasoq pillugu angajoqqaat/atuartoq nalunaaruteqanngippat, atuartup atuanngitsoornerani ulloq taanna Qeqqata Kommuniiani atuarfiit angajoqqaanut nalunaarutigineqartassasut.

#### **Aalajanginneq**

Innersuussutigineqartoq akuersissutigineqarpoq.

#### **Ilanngussat**

1. Ilinniartitaanermut-Kulturimut- Sunngiffimmullu ataatsimiititaliap 2018-imi martsip 18-iani ataatsimiinnerani imm. 6 pillugu imaqarniliaq
2. 2018-imi novembarip 28-ani Kommunalbestyrelsip ileqquusumik ataatsimiinneranit 07/2019, imaqarniliaq imm. 7

## **Imm. 10 Sarfannguani Illu tamatigoortumut suliniummut siunnersuut**

**Suliap nr. 75-52-40, ERP projekt 500084, 1-41-13**

*Journal nr. 59.04.01*

### Tunuliaqutaq

Ukiuni arlalinni Sarfannguani Nunaqarfimmi aqutsisut kissaatiginikuuat, nunaqarfimmi innuttaasut, atuartut meeqqerivimmilu meeqqanit atorneqarsinnaasumik timersortarfeeqqamik sanaartortoqarnissaa. Sanaartugassatut kissaataasoq 2009-miilli ukiumut nalunaarutini namminersorlutik oqartussanut aningaasaqarnermut inatsimmut kommunip kissaataasa ilagisarnikuuvaat, taamaattorli Ilinniartitaanermut, kultureqarnermut sunngiffimmilu sammisanut annertusaanermut pilersaarutit iluanni pingaarnersiunerimi nr. 3-2-tut. 2017-imi juunip 15-ani kommunalbestyrelsi aalajangivoq, nunaqarfinni minnerusuni pingasusuni timersortarfeeqqanik 350m<sup>2</sup>-tut angissusilinnik pilersaarusiortoqarlunilu suliniuteqartoqassasoq, taamaattorli Itillimi Napasumi timersortarfeeqqat angissusissaannut isummertoqassasoq. Illu tamatigoortumut sanaartorfissamik immikkoortitsinertalik Nunaqarfik Sarfannguanut kommunip pilersaarusiortifigineqarnerani tapiliussaq nr. 36, 2018-imi aggustip 30-ani akuersissutigineqarpoq.

### Maleruagassatigut tunngavigisag

Qeqqata Kommunianut karseqarnermut naatsorsuuserinermullu malittarisassat.

### Pissutsit atuuttut

Siunnersortinut neqeroortitsinerup kingorna suliniummut siunnersortissatut Rambøll toqqarneqarpoq.

Rambøll Grønland suliniummut atorsinnaasumik siunnersuummik 2-mik nassiussaanni, nunaqarfinni aqutsisut kissaataa malillugu periarfissaq 1 toqqarneqarpoq, tassani qallunaat nunaanni minihåndboldt-/fodboldbanenut nalinginnaasusutut bane 13x20 meterisut titartagaalluni, taamaalilluni timersuutinut assignngitsorpassuarnut soorlu minihåndboldtimut, minifodboldtimut, sulorarnremut, volleyboll-imut, basketball-imut, nerrivimmi arsaararnermut, eqaarsaanermut il.il. tulluurtuulluni. Illu tamatigoortoq quleriimmi ataatsimi immikkoortuni imminnut atasuni marlunni atugasaaavoq, tassani immikkoortoq 1 paarsuaasamik torsuusami, angutinut arnanullu atisaajartarfik perusuersartarfitalik uffarfilillu, perusuersartarfik mikisoq ataatsimoorussaq, innarluutilinnut perusuersartarfik iikkamut patitsinneqarsinnaasumik taarsiisarfik, eqqiaatinut inissaq, peqqumaasivik kiisalu teknikkiisivimmik ilusilersugaavoq. Immikkoortoq 2-mi timersortarfittaa 277 m<sup>2</sup>-tut angissusilinnik inissisimavoq. Angissusaa ataatsimut katillugu 352,6 m<sup>2</sup>-tut angissuseqarpoq.

Suliniuummut siunnersuut 2018-im suliarneqarnikuuvoq ilanngsatullu 1-8-tut ilanngunneqarpoq. 2019-imi decembarip aqqaneq-aappaani Namminersorlutik Oqartussat ilisimatitsissutigaat, timersornermut atortulersuutinut Namminersorlutik Oqartussanit suli tapiissuteqartoqarsinnaasoq, taamaattorli taakkununga aningaasaqarnermut inatsimmi ukiunut 2019 aamma 2020-mut 0 koruunit aningaasaliissutaasimapput.

Teknikkeqarnermut Avatangiisinullu immikkoortortami Sanaartornermut immikkoortumi sanaatornermut sulianik ingerlatsisoqarluni Qeqqata Kommunianu sanaartortitsisuuvoq. Suliniut uku malillugit suliarneqassaaq : ”Nunatsinni sanaatornermut maleruagassat 2006-meersut”,

Ineqarnermut aamma Attaveqarnermut Nalakkersuisoqarfik 2006 kiisalu sanartortitsisumit sanaartornissamut pilersaarut, 2018-imi novembarip aallaqqaataani ullulerneqartoq. Suliniutaasoq Rambøll-ip pitsaassutsimut aqutseriaasia (Q-systemet) atorlugu suliarineqassaaq. Sanaartorneq ukiumik ataatsimik affarmilu suliarineqartussatut, 2020-imi juunip aallartinnerani aallartittusatut 2021-illu naalernerani atulersussatut pilersaarutaavoq.

#### Atuilluartuunissakkut kingunerisinnaasai

Sarfannguani timersortarfik tamatigoortumik sanaartorneq atuilluartuunerussaaq, Sarfannguaniami innuttaasunut tamanut periarfissiissaaq, nunaqarfimmilu peqqinnermut ataatsimoornermullu assut isumalluutaassalluni, kiisalu qanittuaniittunut atuarfimmumt meeqquerivimmullu illup iluani timersornikkut sammisassanut periarfissiissalluni.

Aammattaaq atuilluartuuneruvoq, illu tamatigoortumik anginerusumik katersuuffeqarnikkut, Unesco-immikkoortumut atatillugu Sarfannguani sammisanik soorlu saqqummersitsinernik imaluunniit umiarsuarnut takornariartaatinut ilaallutik takornarissat tikersaarneranni assigiinnerusumik angusaqarsinnaaneq. i form af udstillinger eller aktiviteter i tilknytning til krydstogt-turisters besøg.

#### Aningaasaqarnikkut allaffissornikkullu kingunerisinaasai

07/2019-imi akit qaffasissusaat atorlugu Rambøll-imit misliuut B malillugu, pequtinulli 170.000 koruunit ilanngullugit sanaartortunut aningaasartuutit 12.423.000 koruuninik annertusseqassapput. Siunnersuinermit/pilersaarusiormut 850.000 koruunit, sannaartormermit aqutsinermut/nakkutilliinermut 400.000 koruunit, katillugit 13.673.000 korunit, tassalu m2-mut 38.778 koruunit.

Allaffissornertaatigut sanaartormerup nalaani teknikkeqarfimmi sulisut nakkutilliisuusinnaapput, taamaaliornikkut aningaasartuutaasussat 325.000 missaani appassapput nakkutilliisoqarnermi angalassineq 75.000 missaani naleqarmat, imaappoq kommunip nakkutilliineratigut sanaartormermut aki katillugu 13.178 mio. koruuniussalluni.

TAI-mit 2016-imi sanaartugassanut kissaatinut oqaaseqaatini allassimavoq timersortarfik 350m2 katillugit 12 mio. koruuninik akeqassasoq, aningaasallu taakku 2021-imi akigititanut nalimmassappata, sanaartormerup piffissaani 12.9 mi. koruunit missaanut naapertuutissaaq. Tassunga tunngatillugu suliniummut siunnersuummi missiliuut B pequtit ilangunnagit aamma nakkutilliinermi aningaasartutit ilanngunnagit 13.153 mio. koruuniusoq taamaallaat 178.000 koruuninik qaffasinneruvoq.

Maannakkut 2019-imi missingersuutini Safannguani illu tamatigoortumut ERP suliniummi 500084-imi 10.5 mio. koruunit aammalu 2023-mi 1.5 mio. koruunit nalinginnaasumik suliniutinut gruppimi 1-41-13-imi inissinneqaaqqapput.

Sanaartormermi aningaasartuutikillisaaneq tassaasinnaavoq pequtinik peeriaannarnik soorlu målinik arsanullu nettinut peersinikkut 170.000 koruuninik sipaaruteqarneq taakkulu ingerlatsinikkut aningaasaliissutitigut imaluunniit sunngiffimmumt siunertalinnut aningaasaliissutitigut pissarsiaralugit.

Sanaartormermut aningaasartuutit annikillisinneqarnissaanut periarfissaasinnaasoq tassatuaavoq, illutaata annikillisinneqarnera. Pilersaarusiormermut aningaasartuutit, aallartisaanermit aningaasartuutit kiisalu innaallagissamut attaviliineq qanorluunniit illu angitigigaluarpat aki taanaassaaq, illulu ukioq kaajallallugu atorneqarsinnaasasguni, teknikkikkut atortulersuutit, soorlu imermik pilersorneqarneq silaannarissarfiillu annikillisinneqarsinnaanngillat. Angutit-arnat atisaajartarfii immikkoortut annikillisinneqarnissaat aamma piviusorsiorlutut isigineqanngilaq.

Illumik annikillisaanissamut periarfissatuaasoq tassaavoq, timersortarfittaata annertussusaa. 2.7 mio. missaanut annikillisarneqassappata, illu katillugu 250m<sup>2</sup>-mut annikillisarneqarnissaa assigiinarpaa. Tamatuma titartagartaa ilanngussaq 9-mi takuneqarsinnaavoq. Taamaaliornikkut timersornikkut siunertalinnut timersortarfittaa 173 m<sup>2</sup>-mik angissuseqassaaq, taamaallaallu sulorarnermut banemut ataasinnaarmut naammalluni aammlau Unesco-suliniutikkut saqqummersitassanut siunertalinnut killilimmik atorineqarsinnaassalluni.

2021-p naanerani sanaartorneq naammassisussaammat, 2021-mut siunissamilu missingersuutitut timersortarfiup tamatigoortup ingerlanneqarneranut aningaasartuutit, sunngiffimmi immikkoortotap iluanut inissinneqartalissapput.

#### Allaffeqarfiup naliliinera

Allaffeqarfik naliliivoq, timersortarfik 250m<sup>2</sup>-mut annikillisagaq taamaallaat sulorarnermut banemut ataasiinnarmut naammattoq arsatut ittunut allanut soorlu minihåndbold, minifodbold, volleyball, basketball kiisalu eqaarsaarnermut tulluunnaviangitsoq, taamaattumillu naammaginatsumik periarfissaanaviarani.

Sarfannguani-Itillimi nunaqarfimmi aqutsisut illu tamatigoortumut annikillisamut siunnersuut eqqartornikuuvaat, aammalu akuerineqarnissaa innersuussutigalugu.

Nunaqarfinni suliassanut akinut missiliuutit annertuumik nalornissutaasarput, nuaqarfinni sulaissanut suliffeqarfiit ikittuinnaat neqerooruteqartarmata. Taamaattumik missingersuutini sinaakkutuliussat eqqarsaatigalugit inassutigineqarpoq, annertunerusumik missingersuutitut sinaakkutissamik pisariaqartitsisinnaaneq paasineqartinnagu, sanasunut suliariumannittussarsiuussineq utaqqimaarneqassasoq, taamaalilluni sanaartornermi akivimmik misliuummik A-mik pilik pigineqalernissammat. budgetramme at afvente håndværker licitationen, så der foreligger et A-overslag med den faktiske opførelsespris, før evt behov for større budgetramme afklares.

Allaffeqarfik naliliivoq, illu tamatigoortoq nutaaq 350m<sup>2</sup>-tut angitigisoq siunissamut isiginninnuerussasoq aammalu meeqqanut, inuusuttunut inersimasunullu kiisalu utoqqarnut nuannaarutaalluni ullutsinnut naleqquttuussasoq, aammalu peqqinnarnerusumik inuuneriaaseqarnissamut atugarissaarnissamullu peqataassasoq. Allaffeqarfik naliliivoq, atugassatut siunnersuut pisariaqartitsinermut naammassinnittuusoq, taamaalillunilu taanna aallaavigalugu pilersaarusiorneq ingerlaqqissinnaalerluni, aningaasaliissutissatullu killiliussat sinneruttut pissarsiariniarneqassallutik.

#### **Innersuussut**

Innersuussutigineqarpoq:

- Pilersaarusiorneqarnissamut tunngavissatut Sarfannguani Illu tamatigoortumut suliniutitut siunnersuut ataatsimiititaliap akuersissutigissagaa, aammalu suliariumannittussarsiuussinerup kingorna misliuut A-mut tunngatillugu tassunga aningaasaliissutitut sinaakkutit Teknnikkeqarnermut ataatsimiititaliap eqqarsaatigissagai inassutigalugu.

#### **Aalajanginneq:**

Innersuussutigineqartoq akuersissutigineqarpoq.

**Ilanngussat**

01. Sarfanguani Illu tamatigoortumut suliniummut siunnersuut
02. Missiliuut B
03. Pilersaarutaasup titartarneqarnera
04. Saqqai
05. snit AA
06. snit CC
07. Natissaanut pilersaarutit
08. Qimaaffissiat
09. Timersortarfik tamatigoortoq 250 m<sup>2</sup>-imut annikillisillugu titartagartaa

## **Imm. 11 14-inik ukioqalereersimasunut angalanissanut tapiisarnissamut inuiaqatigiittut piumasaqaateqarnissaq**

*Journal nr. xx.xx*

### Tunuliaqutaq

2018-imi novembarip 22-ni Kommunalbestyrelsip 07/2018-issaanik nalinginnaasumik ataatsimiinnerani aalajangerneqarpoq, timersortartut unammuaarnernut pissartanngorniunnernullu peqataanissamut angalanermut tapiiffigineqartartut, pisortanit aningaasanik tunineqaannaratik, angalanissamut tapiissutinik pissarsinissaminnut inuiaqatigiinnut arlaatigut akisussaaffilerneqassasut. Assersuutigalugu suliniutaasinnaasut tassaasinnaapput, illoqarfimmi imaluunniit pinngortitami saligaatsuutitsineq, meeqqeriviit eqqaannik, kommunip aaqqissuussaata kiisalu utoqqaat angerlarsimaffiini aputaajaaneq il.il.

Siunnersuut akuersissutigineqarpoq, suliarlu Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliamut ingerlateqqinneqarluni. Suliap suliarineqarnerani inuiaqatigiittut piumasaqaateqarnissaq pillugu suliniummut timersoqatigiiffiit tusarniaavigineqarnissaat, ataatsimiititaliamit kissaatigineqarpoq.

Tamatuma kingorna politikikkut kissaatigineqartoq malillugu, Ilinniartitaanermut immikkoortortap siunnersuut Maniitsumi Sisimiunilu timersoqatigiiffinnut assigiinngitsunut tusarniutigalugu nassiuppa. Maniitsumi sunngiffimmi pisortaq timersoqatigiiffinnik assigiinngitsunik tusarniaalluni ataatsimiinnissamut aggersaasimavoq, taamatullu Sisimiuni aggersaasoqarluni. Tusarniaalluni ataatsimiisitsinermi timersoqatigiiffinnit suliassat suut tapiiffigineqarnissamut piumasaqaatinut naammassinnissinnaasutut siunnersuutigineqarput.

Angalanissamut tapiiffigineqarnissamut inuiaqatigiittut akisussaaqataaermmut piumasaqaatinik naammassinnissimangikkuni, timersoqatigiiffik tapiissutinik tunineqassanngilaq.

### Maleruagassatigut tunngavigisaq

Qeqqata Kommuniata timersornermut politikia.

### Pissutsit atuuttut

Ullumikkut tapeeriaaseq imaappoq, meeqqat inuusuttullu Kalaallit Nunaanni pissartanngorniunnissanut angalanissaminnut 100 procentmik akiliunneqartarput, inersimasunullu 18 sinnerlugit ukioqalereersut Kalaallit Nunaanni pissartanngorniunnissanut angalanissaminnut aningaasartuutiminnut 30 procentmik akiliunneqartarlutik, taakkulu arlaatigulluunniit iluaqutissiivigineqarneq ajorlutik.

Timersoqatigiiffinnik ataatsimeeqateqarnermi, suliattullu suliassatut taaneqarsinnaasutut isumaqarfigineqarput:

- Meeqqeriviit imaluunniit utoqqaat angerlarsimaffiisa eqqaanni aputaajaaneq
- Illoqarfimmi upernaakkut takujuminarsaaneq
- Utoqqaat angerlarsimaffianut pulaarneq annikitsunillu aaqqissuussaqaarneq
- Innarluutilinnut pulaarneq annikitsunillu aaqqissuussaqaarneq
- Meeqqerivinnut pulaarneq annikitsunillu aaqqissuussaqaarneq
- Timersorneq pillugu atuarfinni saqqummiineq
- Timersuutigisartagaq pillugu atuarfimmi timersortoqarnerani sungiusaaqataaneq
- Inuiattut ullorsiornermi aaqqissuussinermut peqataaneq
- Maj Nuan´ aaqqissuussinermut peqataaneq

- Timersoqatigiiffiit allat GM-imut aaqqissuussinerinut ikiuunneq
- Illoqarfigisami assigiinngitsutigut aaqqissuussinernut ikiuunneq
- Timersoqatigiiffisami sungiusaasoqatigiinnut peqataalerneq

Isumassarsianut nutaanut ammasuujuarnissaq, timersoqatigiiffinnit tamanit isumaqarfigineqarpoq. Tapiiffigineqarnissamut immersugassaq timersoqatigiiffiup siulersuisuinit immersorneqassaaq, kingornalu timersornermut siunnersortimut imaluunniit sunngiffimmut pisortamut nassiunneqarluni.

#### Atuilluartuunissakkut kingunerisinnaasai

Kommunimit tapiissutit tiguinnarnagit, tapiissutinilli pissarsinissamut nammineq suliniuteqarnikkut annertunerusumik timersoqatigiiffiit akisussaaqataanerusuuppata, tamanna atuilluartuunerussaag.

#### Aningaasaqarnikkut allaffissornikkullu kingunerisinaasai

Suliakkiisarnerit atuutilersinneqarpata kommunimut aningaasaqarnikkut iluanaarfiussaaq, namminneq kajumissutsiminnik sulisut amerlasuut suliassanik assigiinngitsunik tigooraalissammata soorlu, aputaajaaneq, illoqarfimmi pinngortitamilu nunamik saliinerit, namminneq kajumissutsiminnik suliqarlutik aaqqissuussanut assigiinngitsunut peqataanerit allallu. Allaffissornikkut kingunerisinnaasaa tassaavoq suliassarpasuit naammassisassat suliakkiisarneq atuutilersinneqassappat nassatarisassai ataqatigiissaarinikkut nakkutiginninnikkullu suliati amerlinissaat.

#### Allaffeqarfiup naliliinera

Allaffeqarfimmit nalilerneqarpoq, inuusuttunut inersimasunullu tapiiffigineqarnissamut inuiaqatigiittut piimasaqaateqarnermik atuutilersitsinikkut, tapiissutinik tigusinnginnermi suliniuteqarnikkut akisussaaqataaneq anguneqassasoq.

#### **Innersuussut**

Allaffeqarfimmit innersuussutigineqarpoq, siunnersuut Ilinniartitaanermut ataatsimiititaliamit akuersissutigineqassasoq.

#### **Aalajanginneq:**

Siunnersuussutigineqartoq pujortartarnermik millisaanissamik suliniummik ingerlataqartoqassasoq.

Innersuussuut akuerineqarpoq.

#### **Ilanngussat**

1. 2018-imi novembarip 22-ani Kommunalbestyrelsip ileqquusumik ataatsimiinneranit 07/2018, imaqarniliaq.
2. Suliassanut immersuiffik

**Imm. 12 Hotel Heilmann Lyberthip Avataanit tikisitsilluni sulisussarsiornermik qinnuteqaataanut tunngatillugu killiffimmik paasissutissiineq**

*Journalnr. 67.02.03*

Tunuliaqutaq

Majoriaq Maniitsoq ulloq 13. november 2019, Hotel Heilmann Lyberth-ip (HHL) avataaniit tikisitsilluni sulisussarsiorluni qinnuteqaataanik tigusaqarpoq, atorfik pineqartoq tassaalluni igaffimmi pisortaq.

Maleruagassatigut tunngavissat

- Kalaallit Nunaanni Suliffissarsiorlut killilersimaarnissaat pillugu Namminersorlutik Oqartut Nalunaarutaat nr 24, 26 august 1993-imeersoq.
- Kalaallit Nunaannut suliffissarsiorlut killilersimaarnissaat pillugu Inatsisartut inatsisaat nr. 27, 30. oktobari 1992-imeersoq.
- Kalaallit Nunaanni Suliffissarsiorlut killilersimaarnissaat pillugu inatsisartut inatsisaata allangortinneqarnera pillugu Inatsisartut inatsisaat nr. 27, 9. december 2015-imeersoq (sulisitsisut jobportal-imik atuinerat).

Pissutsit atuuttut

HHL-ip igaffimmi pisortassarsiorluni qinnuteqaataa Ilinniartitaanermi ataatsimiititaliamut ulloq 2. December 2019 saqqummiunneqarpoq. Ataatsimiititaliap suliaq Majoriamut utertippaa, tamatumani kissaatigalugu, atorfinitsinniarneqartup ilinniarsimanermut uppernarsaataata ilumuussusia qulakkeerneqassasoq.

Suliaq Majoriamut utertinneqarmat, Malaysiami ilinniarfeqarfiit arlaqartut mailikkut allaffigineqarput pineqartup ilinniarsimassutsimut uppernarsaatata uppernassussaa qulakkeerniarlugu. Ilinniarfeqarfiit allaffigineqareersut akinngilertormata arlaleriarlugit nukingisaarummik Majoriamiit allaffigineqartarput taamaakkaluartoq piffissami sivisuumi akissuteqanngereerluni kiisami 15. December 2019 Singapore-mi ilinniarfeqarfik Institute of Technical Education (ITE) akissuteqarpoq. ITE-p akissuteqarnermini erseqqissarpaa, ilinniarsimanermut uppernarsaatit nassiussaq ITE-mit tunniussaangitsoq.

Suliamut tunngatillugu paasissutissat ilanngussatut ilaatinneqartut misissorluaqqinneranni paasineqarpoq, HHL-ip igaffimmi pisortatut atorfinitsinniagaat Seng Ming Chin, killeqanngitsumik nunatsinniissinnaanermut akuersissummik pas-imi naqitamik peqartoq allakkanilli udlændingestyrelsemit akuersissutaasunik ilaqartinneqanngitsoq. Paasissutissaq tamanna qulakkeerluarniarlugu, Majoriamit Udlændingestyrelse mailikkut 16. December 2019 allaffigineqarpoq, paasiniarlugu akuersissutit tamatuma atuutsinneqarnera suli ingerlanersoq qulakkeerniarlugu. Udlændingestyrelse arlaleriarlugu nukingisaarutitik allaffigisareerlugu, ulloq 24. Januar 2020 akissuteqarpoq.

Udlændingestyrelsep akissutaanit ersarissarneqarpoq, avataanit tikilluni nunatsinni sulisinnaallutillu najugaqarsinnaasut killeqanngitsumillu akuersissummik tunineqarsimasut, nunarput qimallugu aallarsimappata akuersissut isumaminik atuukkunnaartartoq. Taamaattorli avataanit tikillutik ukiut marluk ataallugit nunatsinniissimasunut, nuna qimallugu aallarsinnaanerannik qaammatit arfinillit tikillugit immikkut akuersissuteqartoqarsinnaavoq ukiullu marluk sinnerlugit nunatsinniissimasunut qaammatit aqqaneq marluk tikillugit akuerineqarlutik nunarput qimaqqagallarsinnaavaat.



Tamanna tunngavigalugu paasinarsivoq, HHL-imi atorfinitsinniarneqartup nunatsinni najugaqarsinnaanermut sulisinnaanermullu akuersissut siornatigut tunniunneqarsimasoq atuukkunnaarnikuusoq, pineqartoq 2016-imi nunarput qimallugu aallarnikummat aatsaallu juni 2019-imi tikeqqilluni.

Paasissutissaq tamanna tunngavigalugu HHL Majoriamit mailikkut allaffigalugu ilisimatinneqarpoq, Udlændingestyrelse aqputigalugu, atorfinitsinniagartik pillugu, nunatsinni najugaqarsinnaanermut sulisinnanermullu akuersissummik aallaqqaataanit qinnuteqaqqittariaqartoq. Taamatuttaaq aamma HHL ilisimatinneqarpoq, matumani Suli.gl aqputigalugu qinnuteqaataa, udlændingestyrelse akissuteqareertinnagu isummerfigineqarsinnaanngitsoq.

#### Atuilluartuunissakkut kingunerisinnaasai

Atuilluartuunerunngilaq nuna avataanit tikisitanik sulisoqarnissamik isumalluuteqartariaqalersimappat, kisiannili nunat assigiinngitsut avataanit tikisitsilluni sulisoqartarneq kiffartuussinerup iluani atugarivaat. Ataatsimut isigalugu ukkanneqarnerusariaqarpoq, Qeqqata Kommuniiani suliffeqarfiit eqqarsaatigalugit nunaqavissunik sulilersitsisarnerup pitsaanerulernissaa anguniarlugu suleqatigilluarneqartariaqarput.

#### Aningaasaqarnikkut allaffissornikkullu kingunerisinnaasai

Kommunip qinnuteqaatinik suliaqartarnera, qinnuteqartunullu akissuteqartarnera aningaasatigut allaffissornikkullu malunnaataasumik kinguneqassanngilaq.

#### Allaffeqarfiup naliliinera

Allaffeqarfiup nalilerpaa, HHL-ip qinnuteqaataa utaqqitinneqartariqartoq, pissutsit atuuttuni nassuiaatigineqartut tunngavigalugit.

#### **Innersuussut**

Ilinniartitaanermi ataatsimiititaliamut innersuussutigineqarpoq, Hotel Heilmann Lyberth- ip avataaniit tikisitsilluni atorfinitsinnaanissamik qinnuteqaataa utaqqitinneqarnissaa akuereqqullugu.

#### **Aalajangiineq:**

Innersuussutigineqartoq akuersissutigineqarpoq.

#### **Ilanngussaq**

1. Sulisussarsiorluni Suli.gl-ikkut nittarsagaq
2. Nunatsinni najugaqarsinnaanermut sulisinnaanermullu akuersissut
3. Winformatik-imi paasissutissat assilineri
4. Ilinniarsimanermut uppersaat
5. E mail-ikkut allatat

## **Paasissutissiissutit**

**Imm 13 Qeqqata Kommuniata Sisimiut Maniitsullu timersortarfiup ukioq 2020-mut attartornissamut isumaqatigiissut pillugu paasissutissiissut**

*Journalnr .63.02*

### **Tunuliaqutaq:**

Timersoqatigiiffiit, meeqqeriviit, innarluutillit, utoqqaat ukioq 2020-mi timersortarfimmi atuinissaannut isumaqatigiissut.

### **Maleruagassatigut tunngavissat:**

Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq

### **Pissutsit atuuttut:**

Sisimiuni aammalu Maniitsumi timersortarfik ullutsinni annertuumik sunngiffimmi sammisassaqartitsinikkut timersornikkut periarfissaqartitsivoq.

Sisimiuni aammalu Maniitsumi timersortarfik imminut pigisutut ingerlasuuvoq siulersuisoqarlunilu, Qeqqata Kommuniata timersoqatigiiffiit, meeqqeriviit, utoqqaat, innarluutillillu timersornissaannut periarfissaqartitsinissaq qulakkeertarpaa.

Qeqqata Kommuniata Sisimiut aammalu Maniitsup Timersortarfiata inersua kisimi attartortarpaa timersoqatigiiffiit, meeqqeriviit, utoqqaat, innarluutillillu atuineranut tamakkiisumik aningaasanik ukiumut atuinerat aallaavigalugu tiimimullu akigititaq aallaavigalugu Qeqqata Kommunia aningaasartuuteqartarluni.

### **Atuilluartuunerup kingunerisinnaasai:**

Innuttaasut timersornissamut periarfissaqartuarnissaat timersortarfinni, kiisalu timersortarfimmut isumaqatigiissusiortuarnissaq atuilluartuuneruvoq.

### **Aningaasaqarnikkut allaffissornikkullu kingunerisinnaasai:**

Sisimiuni aningaasartuutit timersortarfimmut ima isikkoqarput:

Konto 5903103559 timersoqatigiiffinnut immikkoortitat	2.116.627 kr.
Konto 5001123559 meeqqeriveqarfinnut immikkoortitat	177.450 kr.
Konto 5001123559 innarluutilinnut utoqqarnullu immikkoortitat	124.215 kr.
Tamakkerlutik	<b>2.418.292 kr.</b>

Maniitsumi aningaasartuutit timersortarfimmut ima isikkoqarput:

Konto 5903103559 timersoqatigiiffinnut immikkoortitat	2.116.627 kr.
Konto 5001123559 meeqqeriveqarfinnut immikkoortitat	177.450 kr.
Konto 5001123559 innarluutilinnut utoqqarnullu immikkoortitat	124.215 kr.
Tamakkerlutik	<b>2.418.292 kr.</b>

### **Allaffeqarfiup naliliinera:**

Allaffeqarfik isumaqarpoq isumaqatigiissutissaq akornutissaqanngitsoq,

**Innersuussut:**

Allaffeqarfimmit innersuussutigineqarpoq, paasissutissiissut Ilinniartitaanermut ataatsimiititaliamik tusaatissatut tiguneqassasoq.

**Aalajangiineq:**

Tusaatissatut tiguneqarpoq.

**Ilanngussat:**

1. Isumaqatigiissut 2020
2. Kalender

**Imm. 14 Avataanit tikisitsilluni sulisussarsiornermik qinnuteqaatinut tunngatillugu, december 2019-imi januar 2020-imilu, siulittaasup aalajangiineranik paasissutissiissut, Majoriaq Maniitsoq**

*Journal nr. 67.01.03*

Tunuliaqutaq

December 2019 aamma januar 2020, Maniitsumi suliffeqarfinit assigiinngitsuninngaannit avataanit sulisussarsiorluni qinnuteqaatit katillugit pingasut (3) tiguneqarnikuupput, taakkulu ataatsimiititaliami siulittaasumut saqqummiunneqarnikuupput.

Maleruagassatigut tunngavissat

- Kalaallit Nunaannut suliffissarsiorlut killilersimaarnissaat pillugu Inatsisartut inatsisaat nr. 27, 30. oktobari 1992-imeersoq.
- Kalaallit Nunaanni Suliffissarsiorlut killilersimaarnissaat pillugu Namminersorlutik Oqartussat Nalunaarutaat nr 24, 26 august 1993-imeersoq.
- Kalaallit Nunaanni Suliffissarsiorlut killilersimaarnissaat pillugu inatsisartut inatsisaata allangortinneqarnera pillugu Inatsisartut inatsisaat nr. 27, december-ip 9-ani. 2015-imeersoq (sulisisit jobportal-imik atuinerat).

Pissutsit atuuttut

Majoriami qinnuteqaatinik tigusaqartoqartillugu suleriaatsimi pisarnej malillugu nivinngaavitsigut nittarsaanneqarput kommuninilu tamani suliffissarsiuussisarfinnut nassiuussunneqarlutik. Tamanna ilutigalugu Maniitsumi suliffissarsiorlut nalunaarsorsimaffiat aamma misissorneqarpoq. Pisiffiup allaffimmi ikiortit atorfinititsiniarluni qinnuteqaataanut suliffissarsiorlut akornannit ataaseq innersuunneqarpoq, atorfiilli qinnuteqaatigineqartut sinnerinut, suliffissarsiorlut nalunaarsorsimasut akornannit qinnuteqaatigineqartuni piumasqaataasunut nallersuuttunik innersuussassaqaartoqanngilaq.

Taamatuttaaq atorfinnut qinnuteqartunik allanik tigusaqartoqanngilaq kommuniniilu allaniit suliffissarsiuussisarfiit aqqutigalugit innersuussaqaartoqarnani.

Egitsimmi ataani takuneqarsinnaapput December 2019-imi atorfiit qinnuteqaatigineqartut:

Suliffeqarfik qinnuteqartoq:	Atorfik qinnuteqaatigineqartoq:	Qinnuteqaatip tigunerani ulluliussaq	Piffissaq qinnuteqaatigineqartoq:	Aalajangiussaq:
Pisiffik A/S	Allaffimmi ikiorti	15. november 2019	1/1-20 – 31/12-21	Itigartinneqarpoq
A+Illut	Sanasoq	19. december 2019	13/1-20 - 13/7-20	Akuerineqarpoq
Pisiffik A/S	Allaffimmi aqutsisoq	27. december 2019	1/1-20 – 31/12-21	Itigartinneqarpoq

Qinnuteqaatit immikkut tamarmik Ilinniartitaanermi ataatsimiititaliap siulittaasuanut ataatsimiititaliaq sinnerlugu aalajangigassanngorlugit saqqummiunneqarnikuupput, suliamullu innersuussutigineqartut tunngavigalugit aalajangiiffigineqarnikuullutik.

Matumani suliami qinnuteqaatit ataatsimoortillugit ataatsimiititaliamut paasissutissiissutigineqarput, qinnuteqaatit saqqummiunneqarnerani immikoortillugit suliat qinnuteqaatitaallu ilanngussatut (bilag) ilaatinneqarlutik.

Atuilluartuunissakkut kingunerisinnaasai

Atuilluartuunerunngilaq nuna avataanit tikisitanik sulisoqarnissamik isumalluuteqartariaqalersimappat, kisiannili nunat assigiinngitsut avataanit tikisitsilluni sulisoqartarneq kiffartuussinerup iluani atugarivaat. Ataatsimut isigalugu ukkanneqarnerusariaqarpoq, Qeqqata Kommuni suliffeqarfiit eqqarsaatigalugit nunaqavissunik sulilersitsisarnerup pitsaanerulernissaa anguniarlugu suleqatigilluarneqartariaqarput.

Aningaasaqarnikkut allaffissornikkullu kingunerisinnaasai

Kommuni qinnuteqaatinik suliaqartarneq qinnuteqartunullu akissuteqarneq, aningaasatigut allaffissornikkullu annertunerusumik kingunerluuteqanngilaq.

Allaffeqarfiup naliliinera

Allaffeqarfiup qinnuteqaatinut suliat paasissutissiissutigineqarneri ataatsimoortillugit Ilinniartitaanermi ataatsimiititaliamut saqqummiuppaai, innersuussutigalugu siulitaasup ataatsimiititaliaq sinnerlugu aalajangiineri tusaatissatut tigoqqullugit.

**Innersuussut**

Ilinniartitaanermi ataatsimiititaliamut innersuussutigineqarpoq, avataanit tikisitsilluni sulisussarsiornermut qinnuteqaatit eqitsimmi takussutissiarineqartut tunngavigalugit, ataatsimiititaliaq sinnerlugu siulittaasumit aalajangerneqartut tusaatissatut tigoqqullugit.

**Aalajangiineq:**

Tusaatissatut tiguneqarpoq.

**Ilanngussaq**

1. Avataanit tikisitsiniarluni qinnuteqaatinut suliat siulittaasumut saqqummiussat pingasut (3)
2. Maniitsumi suliffeqarfiit Suli.gl aqqutigalugu qinnuteqaataat pingasut (3)
3. Pisiffik-up allaffimmi ikiortitut sulisussarsiorneranut suliffissarsiuussisarfimmiit innersuussap qinnuteqataa
4. Pisiffik-up sulilersinniagaata ilinniarsimanermut uppersaataa
5. A+Illut sulilersinniagaata ilinniarsimanermut uppersaataa

**Imm. 15 Tamalaat**

Ruth Heilmann: Oqaluffitoqqap atorneqartarnera pillugu paasissutissanik ujartuivoq.

Anna Heilmann akissuteqarpoq: saaffiginnittoqarsimaneranik ilisimasaqanngilaq, kisiannili paasiniaasoqarpat Hans Heilmann imaluunniit Sunngiffimmi pisortamut paasiniaasoqarsinnaavoq.

Ruth Heilmann: Atuarfik Kilaaseeraq nutarterisoqarneranut tunngatillugu killiffinnik paasiniaavoq.

Anna Heilmann akissuteqarpoq: Kangaamiut suliniut siulliunneqarpoq, tulliunneqarluni Atuarfik Kilaaseeraq, atorfinittoqarnissaanillu utaqqeqqaarneqarluni iluarsartuutassanut suliaqartussanik tunngatillugu.

Frederik Olsen: Suliassanik iluarsartuussissusaq udlicitere-neqarnissaanut ingerlanneqassasoq.

Anna Heilmann: Atuarfik Kilaaseeqqami atuisut suli tusarniaavigineqanngillat.

Ruth Heilmann: Maniitsumik Kulturhuse-ssamik ataatsimiitsitaliaqalernissaanik pilersitsisoqartariaqartoq, killiffisiorneqarpoq.

Evelyn Frederiksen: Kultur Huse-mik pilersitsisoqarnissaanik suliniummik ingerlatisoqarpoq.

Anna Heilmann: Suliap saqqummiunneqarnera utaqqineqarpoq, takorlooruminarninngorlugu inuttaasut oqallitsinneqarnissaannut.

Siverth K. Heilmann: Timersoqatigiiffiit aammalu utoqqaat peqatigiiffiat oqallinneqarnermi ingerlanneqarsimapput.

Evelyn Frederiksen: Killiffisiunerit titartagartaat utaqqineqarput ingerlariaqqinnissamut.

Ruth Heilmann: Kinamiut tikisittarnerat pillugu nassuiaasoqarnissaa kissaatigineqarpoq.

Evelyn Frederiksen: Qitiusumiit ilisimaneqarpoq oqartussaniik qaqugukkut tikittoqassanersoq. aammalu qaqugukkut paarlaattoqassanersoq sulisunik ilisimaneqarpoq oqartussaniik.

Ruth Heilmann: Borgmester-miit oqariartuutigineqannginnera amigaatigineqarpoq.

Evelyn Frederiksen: Tunngavissaqarpuguut ernumassutissaqassalluta, allakatigut qitiusumiik tusarniaassaagut.

Siverth K. Heilmann: Kangaamiuni iluarsartuussinissaq pillugu paasiniaavoq.

Anna Heilmann: kissaatinut ilaassasoq KB ataatsimiinneranut.

**Ataatsimiinneq naavoq nal.: 11:13**